

DISSERTATIO INAUGURALIS
DE
APHTHIS.

QUAM
IN INCLYTA ET ALMA UNIVERITATE
DUISBURGENSI
EX DECRETO
EXCELLENTISSIMÆ ET EXPERIENTISSIMÆ
FACULTATIS MEDICÆ
PRO GRADU DOCTORIS

ET
SUMMIS IN ARTE SALUTIFERA HONORIEUS
RITE LEGITIMEQUE CAPESSENDIS
PUBLICO ET SOLEMNI ERUDITORUM EXAMINI
SUBMITTET

DIE VIIITH SEPTEMBRIS MDCCCLXXIV
JOH. WILHELM. GOTTFRIED. ZANDERS
DUSSELOPOLITANUS
H. L. Q. S.

TEUTOBURGI AD RHENUM
TYPIS FR. AD. BENTHON, ACADEM. TYPOR.

G.
119.

СИМВОЛЫ ПРАВИТЕЛЬСТВА

61

ЗИНГЕР

G. 719


²be

ЗАКОНОДАТЕЛЬСТВО И
ПРИКАЗЫ

ОТ 1770 ДО 1785 ГОДОВ
СОСТАВЛЕННОЕ АВТОРСКОГО
СОУЧИСТВА АНДРЕЯ И СЕРГЕЯ

ЛЯЗО ГИГИА ДОЛЖНОСТИ

СОСТАВЛЕННОГО АВТОРСКИХ ЧЛЮЧЕЙ
СОСТАВЛЕННОГО АВТОРСКИХ ЧЛЮЧЕЙ




1371 805 OA

D E O
P A T R I Æ
P A R E N T I
A V U N C U L I S
P R Æ C E P T O R I B U S
F A U T O R I B U S
C O N S A N G U I N E I S
A T Q U E
A M I C I S

SACRAT
AUTHOR.

DEO
PATRIA
PARENTI
AVUNCULIS
PRINCIPOTRIIBUS
TUTORIBUS
CONSIGNIIS
ATQUE
AMICIS
SECRET
AGITOR



PRÆFATIO.


*L*eges moresque eum postulent,
ut gradum Doctoris acceptu-
rus specimen aliquod profec-
tuum ederet, publicaque disquisitioni sub-
mittens, defenderer. Dubium me diu at-
que incertum hæfisse, quamnam pro ejus
specimine feligerem materiam non diffiteor.
Varias materias animo cogitationeque per-
*) (curri.

curri. Sed cum centies repetita repetere
nollem, mox ab iis abstinere coactus sum.
Denique cum in ultimis annis Aphthæ
hic frequenter se febribus associaverint, om-
nesque affectiones, sub nomine Aphtha-
rum intellectas, distincte tractatas nulli-
bi invenirem, animum ad harum elabo-
rationem inducere ausus sum. Hst! quid

Tiro

Tiro novi de morbo proferre potest.
Hoc si considerem timore percussus de
materia mox abfinuisse; nisi, quod si
multa majoris momenti omissa, plura mi-
nus accurate dicta invenient Lectores, id
meæ juventuti temporisque brevitati facile
condonaturum esse, spe niterer. Cumque
etiam juniorum medicorum nulla sit expe-
rientia, nilque nisi, relata referri possint,
neminem

neminem prudentum mihi vitio vertere,
quod ex Celeberrimorum Auctorum &
Reverendorum Praeceptorum meorum col-
lectis praesens specimen concinnarerim ac
pullice ad examinandum proponam, spe-
ro. Hac spe ergo excitatus hanc mate-
riam valde criticam exarare, omnesque
Aphtharum species, quas ex Scriptorum
veterum recentiorumque scriptis delineare
potui, in ordinem redigere non dubitavi.



DISSERTATIO
INAUGURALIS MEDICA
DE
A P H T H I S.

§. I.

Verbum Αφθαι commode mihi ex verbo αφθανειν, locum occupare, sive απτεθειν, incendi originem suam ducere videtur, licet hinc omnia videntur, quæ a partium ardore prodeunt, dici posse Aphthas. Ex verbo ipso, priscos Medicinæ cultores græcos cuidam morbo nomen αφθαι jam attribuisse, facile patet, cum græca e lingua ex-
A oriatur.

oriatur. Sed an unusquisque scriptorum, hoc verbo usus, eo eundem morbum indicare voluit? adhuc dubitandum est. Apud Hipocratem hoc verbum saepe occurrit, sed variis diversa affectione laborantibus partibus dedit. Ulcuscula non solum os internum sed & alia corporis loca occupantia nomine Aphthorum designavit. Ita ulcuscula oris interni Aphthas nominavit. ” Cum, serpentia, inquit, oris ulceræ (στόματα ἀφθώδεα) in prægnantibus bono non sunt (a) & in utero jam gerentibus, fluxiones serpentia oris ulceræ (ἀφθώδεια γίνουμάτα) cum dolore malum denunciant. (b) Porro prægnantibus fluxiones cum serpentibus oris ulceribus (ἀφθώδεια γεννυμάτα) malo sunt. (c) Deinde alio loco serpentia, inquit, oris ulceræ (τα ἀφθώδεια στόματα) in uterum gerentibus alvum humectant. (d) ” Rursus ubi de muliere lactante & febri acuta laborante agit, dicit ” Huic ex reliquorum incendio lingua succensa est. Sub hoc tempus lingua etiam velut denso grandine (ωσπερ χαλαζώδει πύκνο) exasperabatur(e) adeoque hanc ægram Aphthis laborasse non improbabile videtur. Et (f) recens natis Aphthas familiares

(a) in coac. Prænot. No 514.

(b) Ibidem No 529.

(c) Ibidem No 539.

(d) Ibidem No 544.

(e) In Epid. l. 3. Textu VI. Chart, Tom. IX. p. 314.

(f) In Aphor. 24. Sect. III.

liares sequentibus verbis esse dixit. "Per aetates haec eveniunt, parvis & recens natis pueris serpentia ulcera oris Aphthae dictae &c." Hipocrates etiam ulcerculis similibus aliis corporis locis insitis Aphtharum nomen dedit, ita Pulmonum fistulam Aphthis aliquando laborare dixit (a) & ulcera pudendorum pariter (b) sequentia verba faciens: "Si superficiariae ignea exulcerationes (ην αφθων τα αιδοῖα) in pudendis fuerint, myrti baccis, in vino decoctis pudenda collue. Et porro (c) haec verba fundit. Si superficiario ulcere (ην αφθων, τα αιδοῖα) laborent &c. Deinde (d) si Puerperae pudenda ulcere superficiario (η παιδίς, αφθᾶ τα αιδοῖα) laborent &c. Rursus in libris, ubi de morbis mulierum agit (e) dicit, si puerperae pudenda ulcere superficiario (την παιδίς, αφθᾶ τα αιδοῖα) laborent. Ex his ergo dictis pellucide patebit Hipocratem verbum Aphtharum variis affectionibus attribuisse. Non vero solus Hipocrates Verbo Aphtharum usus est, sed plures illum sequentes graeci medicinæ scriptores definitionem de Aphthis nobis tradunt. Aretaeus magnus ille graecus autor morbum quendam, quem nomine Aphtharum designavit, describit, & sequenti-

A 2

bus

(a) in Libr. II. de morbis Cap. XVIII. Chart. Tom. VII. p. 570.

(b) Libr. de Natura mulier. p. 581. Edit. Foesii.

(c) ibidem p. 538.

(d) ibidem p. 584.

(e) L. I. p. 605. Edit. Foesii.

bus verbis definitionem ejus communicat (a). "Pesti
" fera sunt lata, cava, pinguia, quodam concreto
" humore albo, aut livido, aut nigro sordentia, id ge-
" nus ulcerorum APHTHÆ nuncupantur. Aetium græ-
cum etiam autorem ulcuscula parva, os internum &
linguam occupantia, paucoque numero observata, in
medio albam maculam vel flavescentem habentia,
in toto ambitu rubra, inflammata & dolentia APHI-
THAS nominasse, facile patet, si ejus descriptionem
earum (b) legamus, quas infantibus familiares &
facile curabiles esse dixit. Ex Historia Medicinæ
Freindii (c) elucet, Actuarium optimum græcorum
autorum in suis libris de Methodo Medendi, ubi de
morbis puerorum agit, etiam Aphthas descriptissimæ.
Julium Pollucem vero Aphthas nosse ex sua descrip-
tione, quam nobis communicat, evidenter lucet, cum
legatur (d). "APHTHA, exulceratio & abscessus
" superficiatenus, dealbicans', linguam vel parist.
" mchia, vel uvulam, vel guttur occupans. Omnibus
Autoribus græcis, qui quantum perscrutare potui,
Aphtharum mentionem fecerunt, enumeratis, earumque
descriptione considerata ad scriptores romanos per-
veniamus, ut indicare possimus, quid de Aphthis no-
bis tradunt. Celsus antiquissimus autor Romanus in
suis

(a) in Libr. s. II. de Caus. & Sign. morbor. acut. C. 9. p. 7.

(b) Libr. VIII. Cap. XI. XII. p. 159.

(c) p. 208.

(d) L. IV. Cap. XXV. Sect. 200. p. 470.

suis scriptis nobis communicatis APHTHAS definitivit
 (a) per ulcera oris serpentia. Hunc unicum auto-
 rum usque ad seculum sexentesimum victorum mea
 perscrutatione invenire potui, qui de Aphthis com-
 memoravit.

Sylvius inter recentiores scriptores Aphthas me-
 morat, ejusque definitionem earum invenimus, ubi
 de Affectu epidemico ab Augusto Mens. 1669. ad
 fin. Januarii 1670. in Leydenis urbis incolas sævi-
 ente agit (b) his verbis. (" Sunt autem APH-
 " THÆ, ulcuscula, sed cuticulam non nisi, quando
 " crusta decidit, a subjectis partibus tollentia). Post
 hunc de Aphthis scripsit, quidam Goth. Sam. Polisius
 Med. Professor extraordinarius & Physicus Franko-
 furtensis ad Oderam (c), hancque descriptionem
 " nobis tradit. APHTHÆ sunt oris interni ulcus-
 " cula superficiaria, non linguam solam, sed & pala-
 " tum, & gingivas ac labia affiicientia. Clb. Borhave
 etiam totum caput de Aphthis tractans scripsit (d).
 Desuper Vincentium Ketelcerum eleganter de Aphthis
 agentem de memoria excidere non debemus, meque
 Commentarium ejus de Aphthis nostratis nemini
 ignotum esse persuasum habeo. Neque Clb. Vogel

A 3

Præ-

(a) L. 11. Cap. 1. p. 46.

(b) in Apend. praxeos Med. de Affectibus quibusdam memoratu-
 dignis Tractat. X. §. 273. p. 273.

(c) in sua Myrrhologia p. 191.

(d) vid. ejus Aphor. §. 978.

Præceptorem meum summe Colendum totum Caput de febre Aphthosa nobis tradentem (a) silentio transire possum.

§. II.

Ex his dictis ergo patet, verbum *αφθαι* variis in affectionibus usurpatum esse optimeque illud sequenti modo definiendum esse generaliter. Si dicamus APHTHAS esse morbum cum ardore & siccitate linguae incipientem, sub forma rubicundarum vel pellucidarum pustularum erumpentem, quæ vero pustulæ mox post eruptionem ad albicanter aut ad cineritum aut ad ravum colorem vergentes, quandoque ad ulcuscula declinantes, uvam, fauces, genas internas, gingivas, linguam, labia aliasque interdum corporis partes occupantes, album, tenacem, glutinosum mucum emittentes, vel febribus malignis ad instar cryseos sed infidæ superveniunt vel succedunt vel sine febre expullulant.

§. III.

Varias ergo dari species APHTHARUM perspicue elucet, aptissimeque eas mihi in acutas & chronicas dividi posse videtur, si sub acutis eas intelligamus Aphthas, quæ cum febre conjunctæ sunt,
vel

(a) vide ejus Academ. Prælect. de cognoscendis & curandis præcip. Corp. Hum. Affectibus §. 164. p. 118.

vel potius tanquam Symptoma febris superveniunt. Sub chronicarum vero genere eas, quæ nec cum febre proveniunt, nec febri succedunt, sed ad instar morbi primarii considerari debent.

§. IV.

APHTHÆ acutæ, sive tanquam Symptoma febris supervenientes sunt Pustulæ albantes, aut ad cineritium, aut ad fuligineum colorem inclinantes, quæ uvam, fauces, palatum, gingivas, tonsillas, genas internas, linguam labiaque & quandoque Oesophagum occupant, atque ex quibus tenax & glutinosus mucus promanat.

Febres, quibus hæ Aphthæ se associant sunt febres continuæ putridæ, testimonio Clb. Borhavii (a) Vincentii Ketelari (b) Vogelii (c) van Swieten (d) & Ludovici Goth. Kleinii (e). Porro superveniunt febris intermittentibus experientia Clb. Ketelæri (f) & Borhavii (g) & Vogelii (h) & van Swieten (i) qui

fe

- (a) In suis Aphor. de Cogn. & Cur. Morb. §. 389.
- (b) Vid. Comment. de Aphth. p. 15.
- (c) In suis præl. de Cogn. & Cur. Corp. hum. Affect. §. 164.
- (d) In suo Comment. ad Aphor. Borh. T. III- §. 389.
- (e) In Interpret. Clinico. p. 88.
- (f) Ibidem p. 28.
- (g) In loc. cit.
- (h) In loc. cit.
- (i) In Comment. ad Aphor. Borh. p. 231. §. 389.

se APHTHAS in muliere quinquagenaria post aliquot tertianæ exquisitæ paroxismos vidisse affirmat. Exan-thematicis. E. g. Variolis (a) variis purpuris, id quod Clb. Vogel (b) & Klein (c) testimonio suo affirmant. Junck: eas ex purpura tam rubra quam alba recedente oriri videbat. Dysentericis & Dysthœcis. Sydenham id hisce verbis contestatur. (d) " Cum, " APHTHÆ, inquiet, insuper exeunte morbo, oris " interna, faucesque sæpenumero obsident. Porro notat (e) eodem tempore, quo febris dysenterica grassabatur, febrem quandam ortam fuisse absque dysenteria, omnibus tamen symptomatibus instruetam, quæ febri dysentericæ adscribi posunt, eique febri facillime Aphthas supervenisse; desuper & Clb. Bor-have (f) & Vogel (g) & Klein (h) ei assentient. Porro & inflammatoriis. Approbante testimo-nio suo Ketelæro (i) qui veram Pleuritidem Aph-this

- (a) Comment. litter. Norimb. [Hoffman Med. Rat, Syst. C. IV. p. 153. & 172.
- (b) In l. Praelect p. 101.
- (c) Loc. cit. p. 244.
- (d) In oper. Sect. IV. cap. III. p. 180., ubi de Dysenteria partis Anni 1669 atque integrorum 1670 — 71 — 72. agit.
- (e) Eod. loc. Cap. IV. p. 190.
- (f) In l. Aph. loc. cit.
- (g) Loc. cit.
- (h) I. l. interpr. Clin. p. 69;
- (i) In l. Comment. de Apht. p. 33.

this comitatam vidit, & Vogel (a) & Klein (b) qui eas ventriculo inflammato facile socias esse dicit. Et Catharralibus Malignis, testante Klein (c) & denique Pthyseos ultimo statui, observatione Clb. Vogelii (d) Kleinii (e) aliorumque clarissimorum virorum.

§. V.

Sedes Aphtharum in emissariis ultimis, quo li-
quor secretus in os effunditur, humore spissō ob-
structis optime ponitur. Talia vero emissaria liquo-
remque dari ex Physiologia & Anatomia fatis patet,
quæ demonstrat, præter Glandulas Parotides, quæ
salivam secretam per ductus suos proprios circa den-
tem tertium molarem dimittunt in os, præterque
glandulas maxillares, quæ sua emissaria sub lingua
prope Frenulum emitunt, nec non præter glandu-
las sublinguales similibus osculis patentes sub lingua,
vel hiantes in ductibus glandularum maxillarium, vel
juxta gingivas dentium molarium, præter hos sex
ductus salivosos in lingua, palato, gingivis labiisque
esse emissaria exigua, magnam copiam liquoris tenuis
in ore ubique exstlicantia, cibis inter manducandum

B commis-

(a) Loc. cit.

(b) Ibidem p. 16.

(c) In interpr. Clin. p. 94.

(d) In f. Præl. acad. p. 121.

(e) Ibidem p. 234.

commiscendam , cryptasque multas glandulosas in dorso linguæ aliisque partium locis materiam mucosam pro lubricandis oris interni partibus emittentia inveniri. Oculis nos vero certiores de hac re facere possumus , os hominis enim si inspiciamus , id ubique humidum inveniemus , summa ergo cum probabilitate concludere possumus hunc liquorem ortum suum ducere ex emissariis ultimis sive vasis exhalantibus. Optime hoc tamen eluet , hunc humorem si abstergamus , tunc enim eum statim parvis guttulis ex suis canalibus prominere videbimus. Si vero hic liquor lentior redditur adeoque ex ultimis emissariis propelli nequit , extreum hujus vasis obstruit , interim a tergo urgentis liquoris vi ultra superficiem extremi canalis protrusus pustulas exiguae albicantes format & tunc Aphthas adesse dicimus , quæ mox a humore affluente vasis dilatatis magis elevatae melius in conspectum veniunt. Sedula Aphtharum inspectio orientium , adeoque solitiarum sententiam satis affirmare videtur ; inspectio vero Aphtharum jam dudum proditarum , adeoque totum os vel totam linguam jam tegentium id minime nobis monstrabit , id quod vero pulchrius in lucem prodit , si deciduis Aphthis novæ orientur , ut saepius fieri solet , tunc enim primo conspectum nostrum subeunt in superficie partium oris interni punctula minima albicantia , se mox augmentia paucisque in horis crustum pristinæ jam decisæ similem effientia , ita ut videa-

videatur, ac Aphthæ nunquam decisæ essent. Præterea Aphthis jam jam prodituris frequens est videre, os multo esse aridius, & si ex copiosissimæ erunt, sëpe os plus siccum observatur, indicio evidenti, emissaria dicta esse obstructa, atque hinc elucescit unicam talem pustulam esse unicum emissarium vasculi salivosi aut mucosi obstructi. Porro hanc sententiam testatam facit salutis spes, qua nitimur, quando Aphthæ antea siccæ nunc humidæ apparent, inde concludere possumus, fines emissariorum ultimas rursus esse apertas, humoremque in iis hærentem adeo esse resolutum, ut ultimis finibus vasorum prodire possit, adeoque Aphthas mox a partibus adhærentibus separaturas esse. Ex his ergo facile patebit, hanc sententiam de sede Aphtharum probabilem esse. Ast! Sylvius (a) cuticulam ab acrimonia quadam humerum, eorundemque halitu ad os ascenso corruptam & post incrassationem notabilem ad secessum aptam redditam pro Aphthosa crusta habet. Sed cum quæcunque acrimonia nervos nimis irritans & ut adstringens in hoc sensu considerata Aphthas, uti quodcunque exanthema, non promoverit, sed retropellet potius præsentes Aphthas, id quod Ketelaer suo testimonio certius reddit (b). Omnes enim causas externas, adeoque omnes acres humores quocunque

B 2

modo

(a) in Tract. de Affect. epidem. 1669—70, in Leydens. incol. sèvient. p. 832.

(b) in Comment. de Apht. p. 14

modo in os delatos partesque teneras mollesque oris interni erodentes & exedentes pro causa Aphtharum haberi, ridiculum esse dicit, & porro omnem, inquit, acrimoniam, seu assumtorum, seu catharros in subjectum os delapsos, seu e ventriculo exhalantem non exitatum, sed natas Aphthas obolitum esse. Quomodo cuticula corrupta Crusta Aphthosa esse potest? Si oculis & observationibus suis Practici malent credere quam præjudiciis, quæ temere ab antiquis hausere, fateri cogerentur, sedem Aphtharum nullam aliam esse ac ultima emissaria obstructa. Borhave etiam nostræ sententiæ (a) accedit.

§. VI.

Aphthæ ergo sunt Pustulæ, non vero Ulcuscula ut quidam eas definiunt. Maximo vero hi vertantur in Errore. Quid enim Aphthæ cum ulcere? Decisæ partem, cui adhaerant integrum relinquunt nullamque cicatricem creant. Hoc optime Ketelær (b) frequentissime Aphthas visus observavit. "Non
" hic, inquit, solutio continui, non imminuta, sed
" aucta magnitudo est. Pariter non exedendo esche-
" ram seu crustam tenellis partibus inducunt, sed
" vel maturæ frustulatim decidunt, vel interiora re-
" petendo non manifestiora sui vestigia, quam si nun-
" quam

(a) in s. Aphor. de Cogn. & Cur. Morb. §. 980.

(c) in s. Comment. de Apht. p. 12.

" quam fuissent, in ore relinquunt". Nunquam porro a Pure ulcusculis proprio madefactæ inveniuntur. Nunquam enim iste mucus, quem emitunt pro pure habendus est. Ille non lingua crusta obducta promanat, sed Aphthis jam deciduis solummodo in conspectum venit. Porro ex paragrapho antecedenti satis elucet, eas in numero uscusculorum poni non debere. Veteribus jam notum fuit, eas ulcuscula non esse. Hipocrates (a) jam eas densam grandinem vocat non vero ulcuscula. Julius Pollux (b) eas per abscessus superficiatenos dealbantes definit. Hic vero APHTHAS superficiem linguæ & faicum obducentes, & alba crusta tegentes intellexisse, facile patet, notum enim est, aliquando abscessum vocari materiam pravam ad certa corporis loca depositam, testimonio Clb. van Swieten, (c) qui præterea, inquit, " & Abscessus nomine vocabatur illud naturæ humanae molimen, per quod ex sanguine separabantur quædam nocitura, quæ evacuebantur de corpore, " vel deponebantur ad quædam loca: & Galeni. (d) Sylvius etiam nostræ definitioni assentit (e), cum illas

B 3

qui-

(a) Conf. nostr. §. I.

(b) eodem loco, quem in §. nostr. I. citavimus.

(c) Comment. ad Barth Aphor. T. I. §. 402. p. 692.

(d) Comment. 2. in Libr. I. epidem. Hipocr. Textu 44.

Chart. Tom. IX. p 55.

(e) in Aprend. Praxeos Med. de Affect. quib. memoratu dign. Tract. X. §. 273. p. 831.

quidem vocet ulcuscula, sed facile intelligetur, si §. sequentem legamus, illum Aphthas non pro ulcusculis cuticulam carnemque rodentibus habuisse. "Cum ita ergo APHTHÆ, inquiet, corruptunt quidem linguæ, palati reliquarumque oris partium cuticulam, non ita ipsam consumant, sed crustæ adinstar ipsis adhærentem sinant, donec paulatim decidunt". Quis ergo illum per hanc descriptionem pustulas intellexisse dubitabit?

§. VII.

Tegitur ergo vel harum omnium vel pauciorum partium superficies his Pustulis, quæ multitudine sua crustam sive telam albam efformant, tenacissime adhærentem. His limitibus vero non semper contineri putantur Aphthæ. An vero Ventriculum & intestina inficiunt, in quæstionem adhuc positum esse debet, & sectione cadaverum demonstrandum erit? Aliquot quidem Clarissimorum Virorum has partes nominatas Aphthis occupari statuunt. Sed qua Ratione? Borhave (a) gulam, inquit, stomachum, intestina tenuia Aphthis obduci & quidem hoc ille hac ex ratione concludit, quia, dicit, hic etiam talia emissaria, mucum emittentia, sunt, ac in ore, adeoque talis materia spissa fines eorum obstruere potest. Ast Magnus ejus Commentator ei non assentit, sed ea de

re

(a) in f. Aphor. de C. & C. M. s. 981.

re adhuc in dubitatione hærebat. Clb. Ketelær ad Borhavii sententiam accedit, quia eas tanta copia per alvum osque dejecetas vidit, ut illud non tribui posset lamellulis talibus deglutitis, quæ in ore & fauibus deciderent, his enim verbis sententiam suam nobis communicat (a). "Sæpe nec his limitibus sub-sistunt, sed pomæria proserunt ad imas fauces, gu-lam, Oesophagum & quæ his continua sero solent prolu. Hujus rei non levia nec pauca indicia sunt; nam ut ea præteream, quæ a deglutiendi & spiritum ducendi difficultate petuntur, instar omnium documento est, Aphthas quando jam matuerunt & excernuntur tanta copia aliquot dies & per os & per alvum rejicit, ut aliquot pelves vel matulæ congestas eas vix capiant (& porro, ut, dicit, non immerito videri possim stupore quodam in eam opinionem raptus, tantis Aphthis conspectis, ipsum ventriculum & tenuia intestina interius iis obsessa fuisse) Ast! Quanquam tanto Viro nihil derogatum velim, mihi tamen incredibile videtur cum aliquot pelves congestas eas vix capere vidisse, si enim totum os, faucesque ac tota intestina tanta crusta obsessa sæpiusque hæc decisa nova orta esset, nunquam vero tanta copia lamellarum in lucem ederentur. Maxime aberrat Ketelær, si inde Argumentum suum ducere velit. Non mirum enim est,

cum

(a) in s. Comment. de Apht. p. 12.

cum consideremus, alias decidere, alias rursus oriiri & quidem hoc repetitis vicibus, præcipue si omnium partium oris interni & faucium superficies his pustulis tegatur crustam albam tenacemque formantibus. Quid ad sectionem cadaverum attinet? Nos sumus incertiores. Osterdyk-Schacht quidem in exercitationibus practicis retulit, se Anno 1706. propriis oculis lustrasse & pluribus adstantibus demonstrasse in Cadavere foeminae Pthysi emaciatae in Heparis, Lienis gibbae parte, hinc inde in Mesenterio, in toto fere intestinorum tenuium traætu Aphthas compactas & lubricas, illis, quæ in lingua, genis internis faucibusque observantur, prorsus similes. Sed hic non dicit directe, Aphthas fuisse, sed lubricas, inquit, iis quæ in lingua, genis internis ac faucibus, prorsus similes. Sed fortasse materiam purulentam intestinis agglutinatam lubricam pro Aphthis habuit. Quomodo Aphthæ lubricæ fieri possunt? Cum ob crustam Aphthosam, qua intestina obtecta fuisse dicit, mucus vel lympha, alias ex vasis in intestina emissus, profluere non possit. Præterea idem Clb. Vir Anno 1707. in cadavere iæterici eas albicantes & non nihil dispersas in intestinorum & ipsæ vesicæ urinariæ superficie invenisse vult. Quanquam tanto viro, nihil derogatum velim, mirum tamen mihi videtur, neminem aliorum Clarissimorum Practicorum Anatomiaeque Cultorum ejus rei mentionem fecisse. Præsertim cum res tam diu in
lite

lite hæreret. Clb. F. Hoffman (a) afferit, se sæpe post mortem per totum Oesophagum Aphthas dispersas sed non in ventriculo & intestinis invenisse. Præterea Ventriculus totaque intestina aphthosa crux si obducta essent, quomodo motus peristalticus succederet? Si non plane desineret, tamen valde impediretur.

§.VIII.

APHTHÆ cito in partes prorumpere citoque evanescere possunt. Aphthis defluis & sic quasi disparentibus, id quod sæpe inter primos dies, immo paucas horas fieri potest, ut, cum paulo antea totum os iis obductum videres, nunc plane purum ac nudum invenias. Ægri tunc se consolari solent, hos cruciatos nunc finitos iri. Ast! Quæ vana spes? Interdum statim novæ succrescunt, quæ suum spatiū ad maturationem iterum requirunt, deciduis longe periculosiores. Hocque sæpius & repetitis vicibus fieri potest. Sexies septiesve & sæpius Aphthas sic renatas vidit Ketelær (b) & van Swieten (c) morbum longe in hebdomades & menses protrahenentes. Aphthis deciduis siccitatē partium antea aphthosa crux obfessarum si observemus, brevi tempore

C

re

(a) In Med. Rat. Syst. Supplém. p. 43.

(b) In l. Com. de Aph. p. 21.

(c) In l. Com. ad Aph. Borh. Tom. III, §. 986.

re novæ renascuntur, sæpiusque æque densæ, immo & densiores decisæ, si vires vitales adhuc sufficiunt ad expellendam materiam morbosam. Sub hoc vero statu quamvis Ægri ipsi, quia melius & expeditius spirare ac deglutire possunt restituti sibi videantur, magno in periculo versantur, nisi brevi novæ oriantur Aphthæ, tunc enim materia aphthosa febrem exacerbat cum anxietate & molesto sensu circa præcordia, præcipue, si ægri sint tam debiles, ut eas vires vitales expellere non possunt, & mox ægri perirent, nisi aphtæ ope medicamentorum provocentur. Si loca deciduis Aphthis rubra & humida apparent, vel paucæ vel nullæ renascuntur Aphthæ, materiam enim tum morbosam e corpore eductam, viscosamque resolutam esse patet. Alia exanthemata tempus certum fixumque originis evanescientæque habere solent, sed hoc de Aphthis non observari, nullumque certum tempus, quo separatio fieri solet determinari potest. Aphthæ vel jam primo vel septimo die vel demum post plures nascuntur. De separatione idem notum est. Aliquando enim intra paucos dies immo horas separantur. Aliquando plures dies firmissime adhærentes manent. Neque omnes simul decidunt, sed nunc in hac nunc in illa oris interni parte. Quandoque inter deciduas Aphthas & novas prodeentes aliquot dierum intervallum intercedere solet.

§. IX.

§. IX.

Causas ergo APHTHARUM optime mihi in remotas & proximas dividi posse videtur.

Ad remotarum classem omnia, quæ materiam ad Aphthas procreandas aptam parant, enumerare volumus. Huc pertinet illa humorum Cacochymia, quæ in febribus continuis observatur (§. IV.) in his enim febribus humorum motus cernitur adeo velox. Intenditur gradus caloris. Omnes secretiones ac excretiones augentur. Fit sanguinis exsiccatio ex particularum aquosarum consumptione. Humores ergo magis magisque disponuntur ad concretionem; Dum interim motu aucto vasa sensim ampliantur & recipiunt illam materiam viscidam, quæ exsiccata Aphthas patit. In febribus continuis putridis vero sanguis putredine tolvitur, vasaque fiunt laxiora, adeoque serum magis resolutum in ultima emissaria intrare sinunt.

Febres intermittentes simplices (§. IV.) causam remotam Aphtharum nobis præbere possunt, hæ enim ortum suum vel impuritatibus primarum viarum vel obstructionibus debent. Hæ collectiones si non tempestive evacuentur, in sanguinem vehuntur, cum eodem circumeunt, attenuantur, ut subire possint emissaria oris, vero per eadem transfluere nequentes morantur atque incrassantur, dum interim febri majo-

ri minorive magis in eadem adiunguntur, ibique in Aphthas abeunt. Huc etiam referendæ sunt febres intermitentes continuæ fætæ. Intermittentium & in primis autumnalium materia est segnior, lentior & sæpenumero in his adest primarum viarum infarctus faburra quædam viscidæ, si initio invasionis, ubi materia nondum est temperata, vel diluta, vexentur remediis & regimine calidissimis, stimulantibus validis, funditur quasi illarum materia & impetu quodam facta ruit in sanguinem, ibique motu exaltatur & exacuitur stimulando, obstruendo facit febrem continuam & producit similes effectus modo memoratos. Febres continuæ remittentes, quæ juxta illarum naturam in intermitentes vergere solent, non solum cruditates primarum viarum sed etiam ordinario viscerum infarctus & aliquando levem horum inflammationem pro causa agnoscunt. Hinc sudoriferis calidis tractatis eandem materiam ad Aphthas producendas aptam gignere possunt.

Febribus Dysentericis etiam quandoque Aphthæ se associant. In iis enim liquidissimi educuntur e corpore humores copiosis illis evacuationibus, adeoque humores residui magis viscidæ remanent. In Febre autem Dysenterica sine alvi fluxu, quam observavit Clb. Sydenhamus (a), materiam Dysentericam in

(a) In oper. s. Sect. IV. cap. 3.

in primis viis collectam & quasi putrefactam, ob exitum denegatum raptam in sanguinem, cum eo circulantem, pulsam ad emissaria ultima, (§. V.) ea abstruentem, dum mora & stagnatione fit lentior, pro Aphtharum causa considerari posse mihi probabile videtur. Cum, eidem materiae antea solitae e corpore egredi, si exitus per medicamenta adstringentia & calida negatur, in sanguinem retropelli & sic causam Aphtharum remotam esse posse Clb. Sydenham observaverit & contra purgatione sub initio data atque aliquando repetita praecaveri posse Aphtharum ortum.

In febribus exanthematicis e. gr. Variolis præcipue confluentibus, ubi tota superficies corporis hisce obsessa, vasa cutis excretoria vel sunt compressa vel obturata. Hinc materia illa, quæ per transpirationem alias e corpore excerneretur, remanet. Natura illam ad glaudulas salivales transferendo & salivationem & excretionem muci & saliva viscosæ procreando se sublevare tentat. Si nunc simul hoc serum viscosum ultima emissaria oris ingrediatur, tunc hoc serum viscidum pro causa remota Aphtharum considerari potest. Porro materiam purulentam reforbitam cum sanguine circulantem, ad os depositam Aphthas gignere posse mihi verisimile videtur. Nonne enim hic Aphthæ pro metastasi materiae purulenta sanguinem putrefacientis haberi debeant?

C 3

Et

Et febribus inflammatoriis Aphthæ superveniunt. In Pleuritide enim ut & in aliis morbis inflammatoriis sanguinis partes aquosæ consumuntur remanentibus crassioribus. Hinc serum fit viscidum & tenax, quod permeare valet solummodo vascula paulo majora. Illi humores spissiores, si vi febris auctæ inpellantur in dicta emissaria, ea infarciunt, obstruunt, dum interim humorum velocius motorum impulsu obturationes illæ attolluntur in Aphthas. Aliquando etiam post dolorum cessationem Pleuritici Aphthis corripiuntur, ibi vero materiam inflammationis resolutam cum sanguine corpus permeantem, ad os delatam, adeoque metastasin ejus materiae Aphthas causare non incredibile videtur. Desuper in inflammatione ventriculi vomitu omnia & potus & cibi rejiciuntur, ita ut sanguis dilui non possit, hinc tenacitas humorum major, qui, cum frequenti vomitu sanguinis congestiones, magis fiant ad caput, cum sanguine ad os propelluntur, ibique materiam in ultima emissaria oris pro Aphthis gignendis deponunt. Inde patet etiam, cur Aphthæ ventriculo inflammato saepius sunt tocæ? Et quoque in febribus catharralibus Aphthæ observantur, Catharrus est congestio humoris serosi ad fauces, asperam arteriam &c. orta a subita refrigeratione, cui febris saepe se adsociat, qua pars aquosa sanguinis consumitur, adeoque sanguis spissior redditus circulationeque aucta humores serosi, jam congestione in vasis oris delati spissioresque redditi magis pro-

protruduntur, sed ultima emissaria transire cum nequeant, Aphthas parent. Quandoque viscosa putridaque lympha febri catharrali putridam indolem inducit, quæ etiam, ut petechiae in hac Febre prodeant, efficit, tunc Febris Catharralis ab Hoffmanno aliquisque Febris Catharralis maligna sive Petechizans nominatur. In his etiam febribus Clb. Klein (§.IV.) Aphthas observavit, quæ ab hac viscosa putridaque lympha ad os deposita derivari posse mihi verisimile videtur.

Et Pthysin, præcipue ejus ultimum statum & ulcera interna Aphthæ etiam comitantur. Nonne vero in hoc statu Aphthæ puri in sanguinem resorbæ perque circulationem ad os delatae ortum suum debent? Aegri enim febri quasi putrida a pure resorbta sanguinem putridam reddente corripiuntur, sudoribus nocturnis diffluunt, qua humores aquosæ e corpore exeunt, quo materia ulcerosa adhuc fit spissior, Natura vero ultimo quasi conamine, sed irrito eam per Metastasin ad os deponit.

Præterea & Senectus causam remotam nobis præbere potest. In senibus febre correptis vires vitales nimis sunt debilitatæ, adeoque longiori tempore fit coctio morbosæ materiæ, criticæ evacuationes lentiores. Natura per Metastases se juvare vult. Repe-titis quidem vicibus id efficit natura, quod vel simul
vel

vel semel majori cum impetu in junioribus efficere solet. Sed & Regionis situatio multum ad Aphthas producendas confert. Fugiunt enim quasi Aphthæ regiones calidas, amantque e contrario Regiones Boreales locaque paludosa, in iis enim pori concluduntur, sic que materia morbosa, quæ per vasa exhalantia excerni deberet vel omnis vel magna ejus pars in corpus retinetur. Ketelær (a) fuit in opinione, quod in calidis regionibus corporum humatorum habitus cum rarer sit & ad diaphoresin & ad sudores magis comparatus, ibi in morbis saepe per sudores diffluuntur, quæ sub humidiori & frigidiori celo & in corporibus non adeo in sudorem pronis per hanc viam non tam facile exeunt de corpore, & se obtervasse vult, sudorem copiosiorem & uberiores urinas Aphthas reddidisse tutiores & leviores, & e contrario omnia, quæ has evacuationes minuebant, nocuisse. Porro & tempestas calida, pluviosa ad Aphthas gignendas proclivis est. Quod mihi derivari posse verisimile videtur a nimia laxitate corporis vasorumque, quam producere solet, ea enim circulatio fit lentior, sanguis non bene preparatur, copia seri mucosæque partis sanguinis accumulatur, quam ad Aphthas procreandas pronam esse, jam antea dictum est.

Desu-

(a) Comment. de Apht. p. 30.

Desuper & habitus quoque corporis in regionibus Borealibus ad Aphthas pariendas magis idoneus ac in aliis regionibus videtur.

§. X.

Ex causis remotis videmus, causam Aphtharum proximam esse materiam quandam viscidam in sanguine generatam vel delatam, cum eodem circulanten, deinde ab eo separatam & depositam ad emissaria oris interni ultima (§. V.), quæ autem deposita materia ad dicta emissaria eadem obstruit, dum interim magis magisque adigitur & elevatur in apices conspicuas vi humorum a tergo urgentium.

§. XI.

Febris, cui Aphthæ se associant, quidem per Aphthas dijudicari vel eas in ea tanquam crisis considerari posse videtur. Materia nempe morbosa a partibus internis ad externas transfertur, adeoque a partibus nobilioribus ad ignobiliores protruditur. Ast! Quæ crisis imperfecta & lenta? Perfectæ enim crises, quæ diebus criticis morbos plenissime solvunt per has quam rarissime expectari possunt, crismque signa adeo confusa & obscura in iis nobis offerunt, ut fere frustra captentur. Nihilo tamen minus imperfectas, quæ lente & sensim extirpant, quidquid in corpore malorum est, frequentissime dari constet.

D

His

His ergo non immerito Aphthæ annumerantur, Aphthæque tantum simulacrum criseos dici merentur. Hic enim effectus tardior & plerumque longius protrahitur, nec in dies tantum, sed in septimanas, non-nunquam menses. Certius vero eas tanquam signum malignitatis considerare possumus. Quanta pernitsia symptomata eas producere, si consideremus? Buccæ, labia totæque partes Aphthis occupatæ ob siccitatem crustamque, quam efficiunt, rigent ita, ut æger quandoque ne potum quidem ore tenere possit. Loquela impeditur, quia liquor salivosus & mucosus humectans & lubricans non debita copia vel omnino non in os effunditur. Sapor fere totus tollitur, ob crustam enim Aphthosam lingua ciborum acrimonia affici non potest. Nam in Physiologia demonstratur, gustum fieri, cum ciborum masticatorum, & cum saliva commixtorum, ac motu oris linguæ admotorum partes subtile, exhalabiles intra poros vaginalium, papillas nerveas in lingua tegentiū, perveniant. Omnia vero hæc procedere non possunt, lingua crusta Aphthosa obrecta, vasisque resorbentibus obstructis. Respiratio omniumque rerum deglutitio impeditur, nisi plane tollitur, partes enim crusta Aphthosa obsita obrigent, totusque eorum motus promoveri non potest. In Aphthis densis omnia loca oris interni fauciūque occupata tumescere ita possunt, ut deglutitio fere plane tollatur & si circa fauces & laryngem, suffocatio minatur. Vascula

cula enim supposita obstruēta dilatantur, elevantur tumoresque molestissimos creant.

Aegri alio adhuc in periculo versantur, dum lāti vident has crustas decidere. Crustis deciduis nova producuntur Symptomata. Tam salivatio, quam dyarhoea succedunt, crusta enim vasorum ultima emissaria tegente decidua, adeoque causa obstructio-
nis remota, vasa dilatata humorem quam copiosissi-
me emittunt. Hæc salivatio non diu perdurans mox
desinit, vasis enim dilatatis contractis statim evanes-
cit. Pater meus singularem salivationis post deciduas Aphthas casum in ægra viginti trium annorum febre catharrali maligna, cui septimo die superveniebant Aphthæ, laborante observavit. Lingua fere per to-
tum morbi decursum in parte posteriori circa uvu-
lam nigra erat. Aphtharum fere maxima pars hora
tertia unius cujusque diei pomeridiana decidebat
& has deciduas salivatio quinque vel sex horas
perdurans sequebatur magna, Iqua in hisce quin-
que vel sex horis circiter tres libræ medicæ li-
quoris tenuis exspuebantur, ita ut Pater meus tan-
ta salivatione miratus Patientem ante morbi ingres-
sum forte Mercurium usam esse suspicaretur. Sed
omnibus medicamentis antea usis examinatis suspica-
tio plane desinebat, præcipue cum gingivæ minimæ
inflamatæ nec turgefactæ invenirentur. His quin-

que vel sex horis præterlapsis salivatio plane cessabat & novæ nascebantur Aphthæ. Quæ hora tertia postmeridiana alterius diei iterum decidebant & his decisis salivatio rursus incipiebat, qua iterum horis quinque vel sex præter lapsis cessata Aphthæ in conspectum veniebant novæ. Hac scena per octo circiter dies lusa idoneisque medicamentis usis, Aphthæ omnes plane decidebant nullæque oriebantur novæ. Eandem rationem pro causa Dyarhoeæ habere possumus. Dum saliva copiosa acris ab ægris cum cibis potuque deglutita intestina irritans Dyarhoeam excitat. Clb. Boerhave quidem decisus in tractu intestinorum Aphthis effluxum humorum acrum copiosum pro causa Dyarhoeæ habet. Ast! cum existentia Aphtharum in intestinis nondum demonstrata sit, Dyarhoeaque simul cum salivatione desinat, hæc causa mihi improbabilis videtur. Hæc salivatio Dyarhoeaque bonæ sunt, si moderatæ, novæque Aphthæ non renascantur, ac vires adhuc superfluit. In ægris vero longo morbo jam debilitatis a tali copiosa humorum evacuatione mors sequi potest, dum & ægri & medici salutem sperarent. Hinc multi medici adeo damnaverunt purgantium usum in Aphthis. Keteler (a) Hypercatharsin intra paucas horas lethalem ab usu purgantium in Aphthis vidit.

vidit. Quia a saliva cum ingestis deglutita acriori irritabilia facta fuerant intestina. Si moderata vero hæc evacuatio sit, bono pro signo haberi potest; hac enim materia morbosa in corpore adhuc remanserat e corpore educitur & tunc non novæ renascuntur Aphthæ. Ast proh misero! si novæ propullent Aphthæ, prægressis enim, salivationeque ac Dyarchœa viribus æger jam exhaustus novas vincere non potest.

Interdum etiam excoriatae partes cruorem stillicant, dolorificamque masticationem, ac deglutitionem pariunt. Sed hoc non fieri ab inflammatione sub crustis testa sed ab irritabilitate partium cuticula denudatarum puto. Omnes enim partes cuticula denudatae rubrae ob vascula minima sanguifera nunc se optime ostendentia apparent, vasculaque facilissime a cibis masticandis dilacerari acrique saliva erodi possunt. Quandoque etiam singultus sive cardialgia a quibusvis deglutitis ingestis oriri potest. Clbr. van Swieten (a) tam singultum quam Cardialgiam per sex septimanas in viro sexagenario post Aphthas deciduas observavit, uti & Sydenham... Boerhave hunc singultum Cardialgiamque a locis ab Aphthis erosis in orificio ventriculi derivat. Sed hoc mihi improbabile videtur, quia hoc existentiam Aphtharum in

D 3

ve tri-

(a) Comment. ad Aph. Borh. Tom. III. p. 210.

ventriculo & intestinis supponit, quod tamen adhuc demonstrandum est, potius mihi derivari posse videatur a sputo cum cibo potuqué deglutito acriori affectiones spasticas excitante, præcipue si ventriculus magna gaudeat irritabilitate,

Multo magis vero iis dubitandum est, quæ Magnus Boerhave in §.991. nobis tradit, quod nempe Aphthæ intestina obtegentes lienteriam promovere possint, tam quia existentia Aphtharum in intestinis nondum demonstrationibus certior redditæ est, quam quia nullus autorum mentionem de Lienteria ab Aphthis in intestinis orta movet. Quotiescumque vero Lienteria adesset, totus ventriculus intestinaque Aphthis obducta esse deberent. Sed nonne ea citius mortem quam Lienteriam crearet? Quomodo ingesta e ventriculo in duodenum venirent? Ventriculo enim intestinisque totis obductis Aphthis Valvula in Pyloro certe etiam iis occupata rigescens quomodo ad transmittendos cibos dilatari posse? Posito etiam ingesta per Pylorum ad intestinum duodenum pervenire possent, quomodo ea motu peristaltico per crutam aphthosam impedito ulterius promoveri possent? Cuique enim ex anatomia notum erit Duodenum mox ascendere, tunc descendere, deinde rursus ascendere. Quis vero cibum potumque suo proprio marte ascendere posse statueret? Ingesta enim lege hydraulica sua graviditate semper descendunt, nunquam

quam vero ascendunt. Etiā si Intestinum Duode-
num eo in loco, ubi Ductus Cholidochus & Pan-
creaticus Virsungianus perforat illud, tali crusta Aph-
thosa obfessum esset, necessario Ductus Cholidochus
ab illa obstrui & bilis ingressus prohiberi indeque
Icterus procreari deberet. Præterea Clb. Boerhave
in §. 989. dicit, si crustæ admodum lentæ, crassæ,
latæ, compactæ essent, sæpe suffocatam carnem sub-
iectam, inflammatam, suppuratam, gangrenosam re-
periri, immo quandoque in dira ulcera mutari, ero-
so quandoque in os palati usque ejus involucro. Sed
hac de re Practicorum judicium esto.

§. XII.

Febribus autem, in quibus Aphthæ proveniunt,
signa non sunt, quæ, has metuendas esse, docent.
Si vero Magnus Boerhavius (a) nobis quædam tra-
dit, experientia non comparata sunt. Sunt enim tan-
tum signa communium febrium exanthematicarum.
Signa, ex quibus Clb. Boerhave Aphthas futuras
cognoscere vult, sunt Anxietas ingens sæpe repetens
circa præcordia, prostratus appetitus, magna & per-
petua nausea, vomitus, debilitas magna, magna eva-
cuatio quorumcunque humorum &c. Quis vero ex his
proxime instantes Aphthas cognoscere potest? Non-
ne hæc sunt signa uniuscujusque febris exanthematicæ?

Quæ-

(a) in l. aphor. de Cogn. & cur. morb. §. 983.

Quævis materia morbosa ad præcordia delata anxietatem promovere potest. Ubi inveniemus fere temorem sine prostratu appetitu? Et sic de reliquis.

Quomodo vero nec proxime prodituras Aphthas præfigire possumus, ita etiam nec signa certa, ex quibus majus minusve periculum Aphtharum præsentium cognoscitur, enumerare possumus, teste Ketelaro "Aphthæ, inquiete, medicos idem tidem fallunt, & præsentes non meliori fide agunt, si ex illis salutem vel mortem hariolari vellent. (a)" Ergo eas nec bonas nec malas habere possumus. Sed si Aphthæ in iis produnt diebus, quibus stadium coctionis exspectandum est, ex gr. septimo vel nono morbi die Aphthæ meliorem nobis dant prognosin iis in stadio cruditatis jam apparentibus. Criticam enim esse tunc metastasin, illam depositiōnem materiæ morbosæ, unde Aphthæ oriuntur, ad superficiem oris interni, plurima docent observata. Cibr. van Swieten criticis diebus vidit prodire Aphthas cum insigni morbi levamine, & longe minus tutas eas invenit, dum alio morbi tempore erumperent. Ketelar (b) etiam fatetur, Aphthas esse mitiores post conflictum naturæ & morbi cum signis concoctionis a septimo vel nono morbi die. Sed con-

(a) in s. Comm. de Apht. p. 28.

(b) Ibidem. p. 30.

condemnat eas, quæ ante subactam morbi materiam proveniunt. ” Nam ut omnis, dicit, porro anadromus me materiæ peccatae ac coctæ vel per se anagogem salutarem habet, ita crudæ & ferocientis vel nullam vel difficilem. ” Bonæ Indolis sunt magna non copia erumpentes, partemque occupatam nec totam obducentes, ægrique non tanto in periculo versantur. Ketelær (a) eas etiam mitiores tutioresque observavit, quæ non ita magna copia emergunt. Interdum etiam vires vitales adeo prostratae sunt, ut non sufficient ad expellendam per haec loca materiam morbosam, & ob talem causam possunt prodire paucæ, sed malo tunc omne. Observatione Clbr. van Swieten (b) bonæ sunt cessante aut remittente febre emergentes pacatisque plerisque symptomatibus. Citoque decidentes boni ominis observavit, Kerelær. (c) Bonæque sunt ex ore in imas fauces descendentes, pessimæ vero, si ex imis faucibus in os ascendunt, tunc enim suffocationis periculum est. Appetitus diu prestratus nunc rediens salutis spem ostendit. Porro mitiores tutioresque sunt, quæ constantibus viribus proveniunt.

Quo vero ad cineritium aut ravum colorem magis vergunt. Quo segnius ac difficilius secedunt

E

adeo-

(a) in f. Comment. de Apht. p. 30.

(b) in Comment. ad Aphor. Borh. Tom. III. §. 984.

(c) in Comment. de Apht. p. 30.

adeoque subiectis partibus hærent arctius. Quo plures occupant partes perdurantque diutius: eo sunt periculofores nocentioresque. Observatione Ketelæri (a) illæ etiam inturæ sunt, quæ aliquoties evanescendo repetis iætibus & insultibus naturæ negotium faceſſunt, & non niſi ſumma ægri diligentia ac medici cura ope medicamentorum laborioſe revo-cantur. Qua indole maximam partem illæ ſunt, quæ ante ſubactam morbi materiam proveniunt. Porro dicit Ketelær (b) malum eſſe immo exitiale, ſi mulieri ſeu ſtati ſeu intempestivi menses profluxerint, hi enim ſunt ſignum maximæ ex putredine reſolutionis ſanguinis, illi vero reuulfionis lege ab iis locis, ubi cum ſalute ægri depositum erat, in diverſam internamque regionem miasma aphthodes tra-hunt. Ketelær enim ſæpiſſime vidit (c) etiam in ve-geſta ætate, cum ab Aphthis nihil aut periculi per-parum imminere videretur, a ſola mensium eruptio-ne omnia in pejus ruere & retro ſublapſa referri. Eadem ratione malas vel maxime ambiguaſ reddit Aphthas, ſi alvus liquatur aut haemorrhoidalis ſan-guis fluit, ſique primis morbi diebus nullæ evacua-tiones tuerint adhibitæ (d) uti & ſi catharrus Aph-tharum

(a) In Comment. de Aphth. p. 30.

(b) Ibidem p. 31.

(c) Comment. de Apht. p. 31.

(d) Ibidem.

tharum tempore in fauces vel vicinas partes proculbuerit. (e)

Ætas etiam in Aphthosa Febre consideranda est. Si in senili ætate proveniunt, pernitosæ, vires enim vitales ita prostratæ sunt, ut non sufficient ad expellendam materiam morbosam. Ex iis in ætate adulta provenientibus salutem sperare possimus. Nec observatio genii morbi adjuncti de memoria perdi debet. Aphthæ enim illæ, quæ in morbis putridis, ubi humores putredine sunt correpti, sunt malæ indolis, uti & quæ oriuntur in morbis, in quibus corruptela viscerum adest, ut in ultimo Phtysis statu, fine gravioris Peripneumoniae, Hepatitidis & Hydroptis inveteratæ, ubi liquores stagnantes jam putrefacti, mali sunt præfigii, immo quam plurimum lethales. In fine Dysenteriae, ubi materia morbosæ ad intestina delata non satis apto tempore educta, sed in sanguinem reducta est, Aphthæ malo oriuntur omine & fere semper lethum inferunt. Observatio Clbr. Sydenhami.

Sed & sexus quoque consideratione dignus est. Aphthæ enim, si proveniunt in graviditate boni præfigii esse non possunt.

(a) vid. Kætelær. Comment. de Aphth. p. 31.

§. XIII.

Aphthæ magna ergo similitudine gauderi mihi videntur cum exanthematibus miliaribus. Hæc enim sunt Pustulæ rubræ vel albæ cutis, & originem suam debent obstructioni ultimorum emissariorum cutis a fero viscido vel sanguine nimis dissoluto, errore loci in vasa minima impulso, ea vi vitæ extendente, pustulasque Aphthis similes faciente. Liquore contento his in pustulis exsiccato, miliaria decidunt, renascunturque quandoque novæ prorsus similes pustulæ prioribus. Fitne idem de Aphthis? Sed & plura similia his Aphthis observantur in miliaribus. Quo pustulæ miliares copiosiores; eo pejores. Quo magis ad colorem fuscum vergunt, eo periculosiores sunt. Sed idne idem de Aphthis observatur? Subito quandoque evanescunt miliaria exanthemata summo cum periculo ægri, anxieties tunc circa præcordia promovent, febremque exacerbant. Sed & observatur, intra paucarum horarum spatum Aphthas interdum disparere eodem cum periculo Ægri, easdemque creare molestias, quæ non prius levantur donec novæ prodierint Aphthæ. Iisdem porro febribus, quibus se associare solent Aphthæ, etiam supervenient exanthemata miliaria. In quantum ergo convenientur Aphthæ & miliaria inter se? Ideoque Clbr. van Swieten cum jure concludere videtur, quod quandoque in illis locis, ubi Aphthæ non occurunt, observentur frequentissime exanthemata,

mata, miliaria dicta, in externa corporis superficie, similisque materia ad os deferreretur morbosa, quæ in exanthematibus miliaribus, ad superficiem corporis protruderetur.

§. XIV.

Nec incongruum mihi videtur, hic etiam commemorare, Clarissimum de Hæn (a) omnia exanthemata pro factitiis habentem idem de Aphthis judicare, Aphtasque in Belgia calidis secundum Methodum Sylvii medicamentis creatum esse, sed uso nunc Methodo Sydenhami Boerhaviique Aphthas rarius apparere, affirmare. "Seque vidisse, inquit, (b) Boerhavium venerabilem senem gloriantem & exaltantem, quod in dies Aphtharum crebris minueretur, spemque sui interitus daret." Et porro dicit se ipsum ultimis Praxeos suæ Batavæ annis rarissime vidisse in febribus Aphthas, cum antea fere nulla febris sine Aphthis finem suam attingeret. Non nego, tunc temporis, ubi Sylviani principia prævalebant, morbos acutos omnesque febres tam inflammatorias quam continuas putridas & petechizantes ex acido originem suam trahere sustinebatur, morbosque hos omnes sine distinctione salibus volatilibus alcalinis, aromaticis,

E 3

maticis,

(a) In s Ration. Medend. part. VIII. Cap. VIII. & part. X. Cap. V.

(b) Ibidem in part. VIII. Cap. III. p. 114.

maticis, calidisque aliis medicamentis curabantur, Aphthas multas factitias fuisse. Sed quoties Aphthæ in febribus aparuerunt, ubi nec medicamenta calida nec ullum aliud medicamen usurpata fuerunt? Quotiesque Medici Methodo Hypocratica utentes Aphthas febribus se associare, observarunt?

Cuine ergo improbabile videtur Clarissimum de Hæn Aphthas nunquam absque Medicamentis califacientibus nasci nobisque sine calidis carere Aphthas, affirmare velle. Clbr. etiam Professor Leidenfrost, Praeceptor meus summe Colendus & Clarissimus Vogel & Pater meus etiam Aphthas observarunt, absque omnibus medicamentis calidis antea usurpati.

§. XV.

Proximum erge nunc est, ut ad Curam progrederiar.

Varia variis temporibus Medicamenta contra hunc morbum fuere excogitata & applicata, quorum multa ob sinistrum effectum in hoc morbo sunt rejecta, immo nec defuere, qui pannis rudioribus & plagis eburneis Crustam aphthosam abradere vel elevare conati sunt, quo provocaverunt hæmorrhagias inflammationesque dolentissimas & ulceras.

Hisce

Hisce vero temporibus fortunatori cum successu illarum Curatio absolvitur. Ad varias ergo cogitationes nostræ dirigendæ sunt indicationes.

Cum Aphthæ species Criseos sint, liquet ergo Naturam nullo modo in hoc molimine excretorio turbandam esse. Contra vero talia adhibenda, quæ eam ipsam adjuvent quæque Crustas quantotius ad lapsum disponunt. Quo enim diutius Aphthæ parti insident, eo magis ad putredinem vergunt. Quo citius ita separatio promoveri potest, eo purior os servatur. Ut vero Natura nullo modo in depositione critica impediatur, febrem dirigere nos scire debemus, ut nec nimis torpeat, nec nimis intensa sit. Febris enim nimis intensa temperanda est, ne humores omnibus particulis liquidioribus priventur, numerusque Aphtharum augeatur. Excitanda vero est febris nimis torpens, ne Aphthæ impedianter ultra erumpere, neque materia illarum detineatur in sanguine, & forte graviora producantur symptomata ex ejus depositione ad partes nobiliores, sed ut lapsus earum acceleretur.

Summi ergo usus erit, breviter indicare signa, ex quibus cognoscitur, impetum esse nimium vel nimis debilem.

Omnium

Omnium certissimum Signum febris nimis intensæ præter pulsum durum, plenum celeremque dat Calor. Magnus enim notat vas arctum, humorum densum, propulsionem humorum validam & resistentias magnas circa fines vasorum. Hodie autem thermometro gradum Caloris, qui in sanitate adest, determinare possumus & videre, quanto excessu Calor ægrotantis illum gradum superet & ex illo excessu cognito varium discriben præfigire. Præterea si illa corporis loca quæ naturaliter semper humida sunt, exarescere incipiunt. Febris enim nimio impetu liquidissima expelluntur & sanguis diluente vehiculo suo privatus incrassatur & ubique circa vasorum angustias hærere incipit.

Cognoscimus autem nimis torpere febrilem motum, si pulsus languidus celer, inæqualis & debilis sit, projectæ vires, color urinæ pallidus, calor parvus, nullibi major, quam in temperie frigida sana.

Inquirendum nunc est, quibus Remediis moderamen obtineri possit, quando febris impetus exorbitare videtur. Aegri ab omni cibo potuque abstinere debent, qui vel quantitate nimia, vel qualitate motum, qui jam nimis est, augere potest. Viatus tenuis, hordei, avenæ, oryzæ, panis &c. decocta, potus aquæ præcipue tepidæ laxando partes solidas & diluendo motum minuet & acrimoniam enervabit.

bit. Ad eundem scopum porro facit, si ægrotantes utuntr copia magna diluentis, attenuantis & detergentis Medicinæ, iis enim lensor materiæ morbosæ attenuabitur & vasa laxabuntur, ut facilius transmittant. In primis vero ptisanae diluentis & resolventis usus conduit ex Rad. Chinæ, Scorzoneræ, hordeo, passulis minoribus, hæc Conc. Cont. coquuntur in aqua fontana ad consumptionem unius partis, & dein Colaturæ addi potest vel Mel despumatum vel Nitrum. Hæc Ptisana pro potu ordinario usurpari potest. Ubi plus est diluendum, quantitas aquæ est augenda. Ubi plus resolvendum, dosis Nitri vel Mellis duplicanda est. Clb. Boerhave in sua Materia Medica laudat decoctum ex amygdalis dulcibus excorticatis contusis, Pistaciis, seminibus quatuor frigidis majoribus & minoribus contusis, avena excorticata, cuius colaturæ additur Radix excorticata Glyzyrhicæ. Hoc decoctum ad bibendum & os fatigantesque colluendum datur. Porro ad eundem finem nobis decoctum communicat ex Radicibus Pastinacæ, tenuifol. rubr., Sisari, Chinæ, Sarsaparillæ, Raparum, Hordeo integro, cuius colaturæ addere jubet Syrum Altheæ.

Ubi vero segnior appetet febris impetus, opus est talibus, quæ nimis debilem motum incitare possunt eo usque, ut ad materiam morbosam coquendam expellendamque aptus sit, tali tamen mo-

F dera-

deramine, ne nimis aucto motu dissipentur liqui-
dissima.

Opus ergo est Cardiacis, quæ causarum motri-
cium efficaciam in movenda materia majorem red-
dunt, quæ desumuntur ex sequentibus. Cibo potu-
que meraciori. Patet autem cavendum esse, ne ex-
hibeantur tales cibi, qui in debili jam corpore subi-
gi nequeunt, sed in spontaneam corruptionem ten-
dunt. Carnia juscula, E. g. Gallinacea, gratis aro-
matibus condita, lac, oryza cum lacte cocta, ova
forbilia huic indicationi sufficient. Omnibus autem
cardiacis moventibus palmam præripit Vinum cum
jusculis dilutum, quotidieque sumptum, præcipue fi-
prudens medicus copiam vini augeat vel minuat,
prout major minorve febrilis est motus, observatione
Ketelæri. Grato enim & naturæ amico stimulo lan-
guentes vires exitat motumque nimis languidum au-
get, ut facilius excuti possit materiæ morbosæ resi-
duum, ac mira penetrabilitate ingreditur vasa bibu-
la. Copia vini enim in ore sano retenta mox exspu-
ta vappida apparet, fragrantesque particulae jam re-
sorbtæ videntur, ita ut sæpius hoc repetito ebrietas
sequi possit. Ketelær (a) laudat illum potum puer-
perarum, qui suo tempore in usu erat, & non sine
damno puerperis præbebatur, cum dicat, " ille po-
" tus

(a) In s. Comment. de Apht. pag. 40.

"tus puerarum ex Vino Rhenano, ovis, cinamo,
" mo, sacharo & croco confectus, saepe omnibus
" intentionibus solus satisfacit &, nisi calidior sitim
" siccitatemque adaugeret, omnium, quae promoven-
" dis Aphthis sunt, magnum instar foret." Si au-
tem demis illis aromatibus, dilutum decocto panis
vinum detur, tunc nihil inde mali metuendum est.

Attamen saepe contingit, ut totum os internum fau-
cesque Crusta Aphthorum adeo densa obsefassas videa-
mus, ut nihil transmittant, nihilque quandoque ægrotan-
tes ore tenere possint & hinc cibo, immo potui,
medicamentisque ingressus negatur, in tali casu nihil
aliud supereft, quam ut per externam corporis su-
perficiem conemur introducere multum liquidi, ad
quam rem apta sunt & fomenta & balnea ex simili-
bus composita. Secundum van Swieten lac dupla
aque copia dilutum profuit in tali casu, si huic mis-
celæ calidæ nunc pedes nunc manus immergerentur.
Ad hunc scopum etiam conducunt enemata ex simili-
bus confecta aliquoties in alvo injecta, ut per venas
resorbentes spiritus eorum in corpus traheretur.

Per hæc ergo supra memorata sustineantur vi-
res, diluens datur sanguini, motus sanguinis leviter
incitatur, si nimis sit segnior, ut humor vitalis fines
canalium obstructas urgeat & removeat causam ob-
structionis sive patulæ viæ fiant, ut canalibus apertis
simili

similis materia aphthosa, si adhuc in corpore restet
 propelli possit. Ast! Crusta aphthosa quandoque ni-
 mis est densa, pertinaciusque partibus adhæret, quam
 ut solo a tergo urgentis liquidi impulsu separari
 possit & decidere. Ergo secunda indicatio erit,
 Crustas Aphtharum disponere in facilem citumque
 lapsum. Huic ergo indicationi satisfaciunt stomatica.
 Hæc sunt medicamenta liquida, quibus vel os collui-
 tur vel quæ aliquot temporis spatum ori retenta ex-
 spuuntur. Et Gargarismata. Sed Medicamenta ad hunc
 finem apta eligenda sunt, excretionem minuentia, pustu-
 las exsiccantia & adstringentia nobis cavenda, sed solum
 modo detergentia maturantiaque usurpanda sunt,
 uti & putredini resistentia, Aphthas non fugantia
 sed provocantia. Horum variæ dantur species.
 Præcipue vero laudatur Medicamen domesticum, nem-
 pe decoctum Raparum. Hoc decoctum gaudet ve-
 ra virtute saponacea abstergente. Vera principia
 sachari habet. Sapore non est ingratum. Aegri e
 contrario illud bibunt libenter. Ejus vis augetur
 sacharo vel melle: sacharum enim etiam gaudet vir-
 tute abstergente sine omni erosione. Defectum Ra-
 parum recentium plebs supplere solet cerevisia tenui
 sacharata. Pulchre etiam prodest juscum carnis vi-
 tulinae cum oryza & rapis contritis coctum, ut con-
 tinuo eo os foveatur gargarizeaturque. Sed hæc me-
 niorata etiam pro potu ordinario commodissime inser-
 viunt. Sed si abstergentibus magis artificialibus uti
 veli-

velimus, servire potest Decoctum ex radice lyquitiæ, hordeo mundato, passulis minoribus, sicubus cum aqua fontana parata, adjecto colaturæ melle rosarum. Hoc decocto vel omni semihora vel hora os assidue collui potest, dolorem ardentem ab Aphthis levat deglutitionemque facilitat. Porro decoctum foliorum Malvæ, Altheæ, Parietariæ, Verbasci, Mercurialis, Alchimillæ, Radicum Altheæ, Bulborum Raparum, addito colaturæ melle vel melle rosarum, vel syrupo Altheæ Fernelii, vel vitello ovi &c.

Ad Aphthas debellandas nobis adhuc opus est remedio interno corruptionem humorum impediente. Decoctum Corticis Peruviani hic optime conductit. Cortex jam est medicamentum bonum in febribus putridis, ubi Aphthæ oriuntur, teste Sydenhamii (a) qui, cum de Aphthis, febrem quandam epidemicam sequentibus, agat, laudat Corticis Peruviani usum & valde asseveranter dicit, hoc remedium separationem Aphtharum magis ullo alio facilitare, sed in illo casu Cortice in Aegris dabat, ubi Aphthæ sponte decidere nolebant, sed morbum in longas hebdomades mensque protrahebant. Febris licet continua esset, exacerbationes tamen ingruente nocte molestissimæ observabantur, non aliter ac si duplex tertiana vel quotidiana

F 3

(a) In Scđul. Monit. de novæ febr. ingressu. p. 523.

tidiana fuisset (a). Et van Swieten corticem in tali casu bene conducere testimonio suo affirmat (b) ipsiusque verba hic ponere non incongruum erit. " Auu-
sus, inquit, sum aliquoties, in ægris ejusmodi de-
biliaribus." (Cum antea, febres autumnales epi-
demicæ granstantes saepe febres continuas mentiari &
postea mitescenti morbi impetu in veras intermitte-
ntes transire, dicat.) " Aphthis jam satis densis appa-
rentibus, dare decoctum Corticis Peruviani, ut fe-
brem compescerem: metuebam tamen, ne Corticis
adstringens vis noceret Aphthis; sed credebam, me
ex duobus malis minus eligere debere, & interpo-
nebam emollientissimorum decoctorum usum con-
tinuo, ut corrigerem illud mali, quod a cortice
metuebam. Mirabar postea, Crustas aphthosas ci-
tius cecidisse quam in illis, in quibus firmiores vi-
res & febris mitior Corticis usum non postulave-
rant." Vis Corticis adstringens etiam corrigitur,
si cum tenui decocto ejus emulsio fiat cum seminibus
quatuor frigidis majoribus, addendo simul pauculum
Gummi arabici. Corticis vis etiam eximia est, quan-
do Aphthæ incipiunt nigrescere, pulsus interim sum-
me debilis, celer ac inæqualis & vires sumimopere
prostratae sunt, ita ut gangræna & sphacelus metuendus
sit, tunc certe nulla salutis spes nisi per Corticem spe-
randa est. Cautela adhuc respectu conditionis Alvi
in

(a) In Scedul. monitor. de novæ febris ingressu. p. 219.

(b) In s. Comment. ad Aph. Boerh. Tom. III. p. 214.

in Aphthis observanda est. Alvus ultra duos dies obstructa esse non debet, quovis vel altero die alvus sollicitanda est clystere leniente ac molliente, & si ægri summopere aversantur clystere: tunc glande vel suppositorio. In omnibus enim acutis morbis, in primis acutioribus contingit, ut, licet crassæ & indomitæ ciborum reliquiæ in intestinis nullæ colligantur, quia nihil aut parum earum rerum assumuntur, tamen a vasis secretoriis semper quædam in intestina deponantur, quæ ad alendum corpus inidonea sunt. Ne igitur hæc magis corrumpantur, naturæque molesta sint, tempestive provocanda sunt. Sed cautio respectu purgantium est adhibenda, ne Materia Aphthodes introrsum proritetur. Usus purgantium solummodo ad certum tempus determinandus est. Quam diu Aphthæ adsint, purgans dari non debet & tamen in præsentia Aphtharum certo respectu necessaria sunt. Illa enim ab universo corpore & ulterioribus viis noxios quosque humores trahentia intra paucas horas hypercatharsin creant, quia natura jam ad alvi fluxus proclivis est. Tam in fine Aphtharum, quam in ipsis febris, si aliæ circumstantiæ non prohibent, ante eruptionem earum utilissime exhiberi possunt & exhibenda sunt. In altero casu purgantia sunt necessaria, quia Aphthas tam lenes & tutas reddunt (a) naturaque inondum ad Diarrhoeas inclinat. In fine vero mali commendan-

tur

(a) Ketelær in Comment. de Aphi. p. 34.

tur, ut Crustæ aphthosæ deciduæ deglutitæque expellantur per alvum, ne diutius relictæ corrumpantur. Hic etiam circumspetione opus est, an unavice datum sufficiat nec ne? Boerhave (a) commendat tantum usum purgantium in fine Aphtharum & ratio, quare nobis commendat (b) est, quia alias deciduæ Aphthæ oesophagum, ventriculum intestinæque obsidentes maxime gravabant primas vias. Sed ut supra vidimus, de iis adhuc dubitandum est. Sed purgantia sunt eligenda quæ roborandi facultate simul gaudent. Clbr. Boerhave in sua Materia Medica laudat Decoctum Rhei & Myrobalan. Citrin., admixto syrupo de cichoreo cum rheo. Sed etiam alia huic substitui possunt, si modo vim roborandi possideant.

Aphthis deciduis symptomata Aphthas sequentia debellanda sunt. Quantum Diarrhoea modica affert commodum, tantum affert damnum immoderatus alvi fluxus. Hic ergo coerceri debet Remedii leviter adstringentibus. Cornu Cervi ustum hic virtutem alterantem induit. Theriaca Andromachi antispasmodicam sensibilitatemque minuentem. Formula ergo sequens bene hic conducere potest, ex Pulveris Cornu Cervi usci præparati drachmis tribus, Croci orientalis granis sex. Theriacæ Andromachi

(a) In Aphor. § 990.

(b) Vide ejus Aphor. p. 215.

machi granis duobus. Misceantur & dividantur in partes lex æquales & omni trihorio sumatur cum aqua vel prytana una ejus pars.

Sed difficillime determinandum est, an salivæ fluxus sit nimius, nec ne. Hic ergo subjectum considerandum erit, cum aliis æger magno salivæ fluxu laborans non debilitetur, aliis parvo vires amittat. Vires ergo ægri vitales considerationem merentur. Salivæ nimium profluvium Decocto Agrimonii cum melle despumato vel rosarum moderabitur, si eo omni semihora tepide os colluatur. Sed si hoc medicamento uso intra spatium viginti quatuor horarum non minueretur, immo si simul hæmorrhagia oris sequeretur duplices nobis sunt rationes ad fortius adstringens progrediendum, non vero ad validissimum, ne totus salivæ fluxus impediatur. Convenit in tali casu Decoctum florum balaustiorum cum melle despumato vel oxymelle ut antecedens usurpatum, uti & decoctum granatorum.

Porro Aphthis deciduis cruda excoriata loca apparent, & si densæ in primis fuerint illæ crustæ aphthosæ, dolentissima sunt, ita ut liquidum ori assumptum dolorem pareat, nervuli enim subjacentes tegumento suo privati nimis acute sentiunt, qui dolor leniemento leniendus est, id quod pulchre fieri potest ex vitellis ovorum, cremore lactis & syrupo Papaveris

papaveris albi , cui Clbr. Boerhave adhuc addit aquam stillatitiam rosarum. Is linctus diu & assidue in ore est continendus & volvendus. Ad hunc Scopum adhuc laudat in sua Materia Medica Clbr. Boerhave Gelatinas Cornu Cervi vel Carnis , bene spissas , in frustra consciendas , cuius frustum saepe & assidue imponi linguae debet , ut soluto ibi obliniat & sic lente deglutiatur. Nunc singultus molestus sub fine febris aphthosæ nobis adhuc debellandus est. Plerumque quidem post aliquot dierum spatium redintegratis viribus sponte evanescit , & vix unquam ægro periculum creat , vixque ullis eget medicamentis. Ubi vero pertinacior fuerit, nimisque diu duraverit : ei occurrentum est. Remediis propriis hic non opus est , sed mollissimo tantum victu & gelatinosis rebus. A purgantibus vomitoriisque maxime abstinentur. Ventriculus enim nimis est irritabilis , facillimeque in inflammationem transit.

§. XVI.

Aphtharum ergo nostrarum prima peracta specie pervenimus ad secundam, ad quam Aphthæ numerantur, quæ nec cum febre proveniunt, nec febri succedunt , sed ad instar morbi primarii considerari debent. Has vero rursus in duas dividere species configimur. Aptissime ergo mihi distingui posse in Aphthas simplices & ulcerosas videtur.

Prima

Prima harum Aphtharum species acutis (§. 3.) prorsus similis, sunt etiam pustulæ albicantes, os faucesque obsidentes, infantibus lactantibus familiares; jam primis octo diebus vel toto lactationis tempore propullulant, quæ nonnunquam propter ardorem & dolorem non modo inquietudines & clangoras clamores excitant, sed lactis quoque suctionem ipsamque deglutitionem valde reddunt difficilem, nisi plane impossibilem.

Multi vero autores etiam antiquissimi has Aphthas noverunt. Hipocrates jam Aphthas recens natis familiares esse dicit. (a) Aetius etiam eas, inquit, præcipue in recens natis observare. (b) Porro inter recentiores de Aphthis infantum mentionem fecit Polisius, proprium caput de Aphthis nobis tradens (c) uti & Hoffman (d) qui eas definit per Pustulas, quæ os infantum, fauces & oesophagum obsident. Magnus Boerhave eas infantibus esse frequentes (e) dicit, & Ketelær eas observavit (f) & Clbr. Vogel (g) " ubi tam, inquit, periculofæ non

G 2 sunt,

-
- (a) In Aphor. 24. Sect. III. vid. §. nostrum 1.
 - (b) In Libr. VIII. Cap. XI. - XII. p. 159. vid. §. nostr. 1.
 - (c) In f. Myrrholog. p. 191.
 - (d) In Suppl. Med. Rat. Syst., de præcip. morbis infantum. Cap. V. p. 43.
 - (e) In f. Aphor. §. 982.
 - (f) In Comment. de Apht. p. 21.
 - (g) In f. Prælect. Acad. de Præc. M. C. §. 167.

” sunt, neque recens natorum Aphthæ cum Aphthis
” acutis, sed admodum benignæ, nec aliud symptoma
” præter ardorem in ore & difficilem suctionem atque
” deglutitionem induentes.” Nec Clb. Rosenstein obli-
viscendus est, optime Aphthas infantum nobis descri-
bens (a) & Klein earum mentionem fecit. (b) Harris
eas infantibus sæpe supervenire dicit. (c) Porro &
van Swieten eas inquit recens natis familiæres magis
esse, & ut plurimum satis benignas absque morbo
validiori prægresso, immo raro occurrere infantes
primis a nativitate septimanis ab his immunes esse. (d)

Sedes Aphtharum eadem est, ac in acutis. (§. V.)
Hæ Aphthæ etiam sunt pustulæ, non vero ulcuscula,
uti a quibusdam definiuntur, & hoc iisdem ex
rationibus, quas in §. VI. dedimus, patet. Easdem
etiam occupant partes, quibus acutæ insidere solent,
linguam, uvam, fauces, palatum, gingivas ac labia.
Sed an & in ventriculo intestinisque appareant, iis-
dem de causis in §. VII. jam noratis dubitandum est?
Licet Clbr. Rosenstein id statuit. Præterea id, quod
§. VIII. de Aphthis acutis dictum est, etiam de
Aphthis infantum valet.

Recens

-
- (a) Siehe seine Anweisung zur Erkennniß der Cur der Kinderkrankheiten 9ter Abschnitt.
(b) In l. Interpr. Clin. p. 154.
(c) De Morb. Infant. p. 90.
(d) In Comm. ad Aphor. Boerh. Tom. III. p. 206.

Recensnati Aphthis corripiuntur.

Imo. Primi post nativitatem suam diebus. Vel
IIdo. In tempore lactationis. Vel IIIto. Tempore
Dentitionis.

Causæ remotæ Aphtharum recensnatorum mihi
esse videntur.

Imo. Mucidus gelatinosus humor, quo os,
ventriculus, ac intestina in utero materno repleta in-
veniuntur, si os non bene depuretur, ultima emis-
faria oris obstruere potest.

IIdo. Humor hic tenax cum Meconio non sa-
tis evacuatus, ex intestinis per vasa lactea, vel re-
sorbentia crassorum intestinorum sanguinem ingressus
atque ad ultima emissaria oris delatus Aphthas pro-
ducit.

Illæ Aphthæ, quibus torquentur infantes toto
lactationis tempore, pro causa agnoscunt vel lac nu-
tricis sponte sua in infantum ventriculo nimis cito
acescens & coagulans, vel ex constitutione infantis
& viscerum chylopericorum nimia debilitate, & bile
non satis saturata lac aliter bonum acescens & in
ventriculo intestinisque coagulatum. Mora autem
lac coagulatum in ventriculo acrius factum, bilique
ineri-

inertiore vel copia deficiente admixtum, colorem flavum in viridem cum grumis caseosis mutat. Bilis enim cum acidis mixta viridem colorem ex flavo induit. A tali acrimonia continuo pejori reddita tormenta, dolores aliaque symptomata oriuntur. Si infantes sint nimis debiles. Si viscera chylopoetica suo labore sint destituta, sique bilis sit nimis iners vel copia deficiat, lac in naturam humanam mutari non potest, sed sua sponte acescens coagulatur.

Coagulum introitum ductus cholidochi in intestinum Duodenum obstruens ieterum procreat. Si mul emaciantur toto corpore infantes, abdomen a colostro in intestinis coacervato intumescit, & nisi illud evacuari possit, acidumque edomari, misere perent. Talis materia resorpta cum sanguine circulans ad emissaria ultima oris deponi potest. Si acrimonia stimulat intestina, colliquans Diarrhoea sequitur, quæ partibus aquosis ex sanguine protrusis serum viscidum tenaxque relinquit, quod ad fauces osque dalatum Aphthas producere potest. Clb. Fraccasinus, Medicus Veronensis *) Aphtharum infantium causas tum in laxiori solidorum fabrica, heterogeneas in sanguine particulas producente, tum in lacte materno saepius vitiato, ponit..

Ad

*) In operibus suis Physiologico - Pathologicis.

Ad causas remotas variæ adhuc a variis autho-
ribus numerantur. Clbr. de Rosenstein lac in ore
aceticens pro causa Aphtharum infantum remota ha-
bet. Cum (a) "Nichtsdestoweniger, inquit, solche,
" welche an der Brust einschlafen, indem es sich oft zus
" trägt, daß sie der Schlaf überfällt, wan sie noch etz
" was Milch im Munde haben, welche alsdenn saur und
" scharf wird. Ast! immerito id Causis Aphtharum infan-
tum remotis annumerat. Acida topica enim Aphthas
retropellunt magis, quam promovent. Et de Rosen-
stein ad Aphthas debellandas acidis topicis utitur. (b)
Clbr. Hoffmannus ad causas remotas refert turundas
ex linteo contortas cum mica panis vel sacharo re-
pletas, quibus laxiori fauciū compagi vim quan-
dam inferunt, nec non frustula panis cerevisiæ intincta
& infanti ad fugendum oblata. (c) Quæ quidem
oris interni partes irritant affluxumque humorum ad
os promovent, sed nunquam sua sponte Aphthas pro-
creabunt, ipso testante Authore.

Dentitio difficilis ac dolorosa causa Aphtharum
infantium remota esse potest, testante Hoffmanno (d)
& de Rosenstein (e) gingivis tumentibus ac in-
&

(a) In s. Anweisung z. Erkent. der Kinder Krankh. p. 37.

(b) Ibi lem.

(c) In Suppl. Med. Rat. Syst. p. 45.

(d) Ibidem p. 44.

(e) In s. Anweis. zu den Kinder Krankh. p. 38.

flammatis, dolore inde orta nervi irritantur, salivæ affluxus ad os augetur, ductilisque ac tenax lymphæ in ore sæpe pendet, & si alvus est simul constipata, vel perpetua Diarrhoea infantes cruciat, quæ liquiddissima sanguinis exhauriens tenax relinquit. Ergo dentitio difficilis non immerito ad harum Aphtharum causas numeratur.

Ex causis remotis patet, causam proximam harum Aphtharum esse materiam viscidam ultima emissaria oris obstruentem ac in acutis, eademque gignit symptomata quæ in §. XI. de acutis recitavimus; nisi quod nulla febris in principio eas comitetur: eadam ergo etiam ex iis pragnosis hariolari potest. Quo magis nempe ad colorem nigrum vergunt: eo peiores. Quo densior est crusta diutiusque adhæret eo periculosiores sunt Aphthæ. &c.

Adjuram ergo transiamus & primo videamus, an Aphthæ infantum præcaveri & quibus remediis fieri possit? Ad hunc scopum servire potest, quod Nutrix, quotidie os infantis inspiciens, purum servet. Optime hoc fit cum Decocto vel mere aquoso, vel cui paucillum vini ad mixtum est, ex foliis salviae addito colaturæ melle despumato. Nutrix digitum linteolo hoc decocto madefacto circumvolutum in ore

ore infantis circumducere potest, præcipue ubi lo-
cum album animadvertis.

Cum vero etiam Meconium non satis evacua-
tum materiam Aphthodes præbeat, curandum est,
ut id expellatur. Sed cum & hoc variis de causis
dependeat, varia etiam adhibenda sunt medicamenta.
Si vis expellens nimis sopita causa retentionis sit,
quæ cognoscitur, si nullos nixus ad deponendam al-
vum faciet infans, vel admodum debiles tantum, fa-
cile tum patet, leni stimulo purganti opus esse. Hinc
conducit syrpus de cichoreo cum rheo, syrpus
rosarum solut: simplex, manna, suppositoria etiam
ad hunc finem adhibentur, quæ vel mole sola vel le-
ni stimulo addito leviter irritant finem intestini recti,
unde stimulus, alvum deponendi, sequitur. Sebum
candelarum in conum parvum formatum solum agit,
etiam globulus exiguus factus ex sacharo, vel ex
melle ad duritatem cocto similem effectum edit. Hæc
suppositoria oleo inuncta in anum immitti possunt.
Sed & cardiaco suavissimo & leni opus est, si in-
fans nimis debilis fuerit, ad hunc scopum Clb. Boer-
have (a) mell., vinum hispanicum & vitella ovo-
ram laudat, uti & aquam stillatiam cinamomi, E-
lixirium proprietatis cum sale tartari præparatum, sy-
rupum kermes.

H

Si

(a) In f. Mater. Med., Sect. 1346.

Si durities materiae minorem justo evacuationem causet, & picea sua tenacitate per alvum exire non potest, sicque nimis diu haerens indurescit, usus haustus seri lactis recentis cum paucō melle diluti, clysmā ex fero lactis, sapone veneto vel melle prodest.

Nunc pervenimus ad secundam classem causarum Aphtharum infantum remotarum, quae est lac statim in ventriculo coagulans & acescens.

Hoc solvi potest bile, vitello ovorum, sapone ex oleo presso & sale alcalino fixo parato. Bilis, si bona fuerit & satis copiosa in infante, lac in ventriculo coagulatum solvit, dum ipsi in intestino Duodeno miscetur. Ergo si bile in infante inertiore vel copia deficiente lac in ventriculo coaguleret, Medici infantibus dederunt & congruum invenerunt bilem, in alio animali sano paratam, in corpus infantum ingerendi, sed ob amaritatem, difficultatem sumendi parientem, clysmatibus admiscuerunt. Fel bubulum leni igne inspissatum in officinis prostat, ex quo addito paucilō croci pulvere, parvi ponderis pillulæ, rite deaurantæ, conficiuntur, quorum aliquot semel aut bis de die crassiori pūticulo tectorum dantur. Id interdum bene succedit. Quidam vero vesiculam felis,

lis , bile plenam ex anguilla pisce sumtam , usurparunt . Hæc bilis alia efficacior creditur , partim quia anguilla , dentibus non instrueta , cibos tamen bene digerit , partim ideo placebat , quod meraca hæc bilis , nulla igne mutata , proprio folliculo contenta , dum deglutita in ventriculo hæret , sensim stillaret per duætum angustum & sic contentis in ventriculo misceretur .

Et vitello ovorum scopum nostrum attingere possumus , gaudet enim vi , olea cum aqua miscendi , resinarumque tenacitatem frangendi . In coagulo vero non solum partem caseosam sed & butyraceam invenimus , quæ per vitellum ovorum comodo solvi potest .

Porro sapo ex oleo expresso & sale alcalino fixo paratus ad hunc scopum laudatur , in sapone enim manet antiqua salis lixiviosi vis , qua detergit & glutinosa attenuat . Sapo venetus larga quantitate a corpore humano fertur . Clb. Boerhave addidit rhabarbarum , lapides cancrorum & syrum de althea pro edulcurando . Sapo etiam clysteribus adjici potest .

Quando lac nutricis ad acidam naturam nimis vergit & sua sponte coagulat, in vietu nutricis causa querenda, ideo ab omnibus cibis abstinere debet, quæ ad acidum vergunt, contra vero iis ad naturam alcalinam transeuntibus uti, nutricie ac infanti absorbentia dari possunt.

Sed his omnibus neglectis si Aphthæ prodierint ad remedium detergens cogitationes nostras dirigere debemus. Sed infantibus ad collutiones & gargarizationes ineptis linctus ex succo detergente prodest. Ad hunc scopum conductit succus raparum recentium expressus aliquoties de die pauca quantitate datus. Succus tepide usurpandus est. Linctus ex melle, syrupo mororum, spiritu nitri dulci tepide pernicillo oris interni partibus Aphthis obfessis illincetus bene convenit. Clbr. de Rosenstein linctum ex roob diamorum, dianucis, melle rosato, & paucis guttis spiritus vitrioli, quantum sufficit ad lincto saporem acidulum donandum, eodem modo usurpatum laudat. Van Swieten syrupo violarum melis vel siripi Rhei aliqua quantitate addita matres infantibus Aphthis correptis succurrere cum illum lindendum exhiberent, dicit, hic Crustas Aphthosas emollit & faris cito decidere facit. Clb. Hoffman laudat cremorem lactis cum syrupo papaveris albi,

vitello ovorum tantilloque nitro mixtum & vel digitis linteo involutis vel penicillo applicatum.

Aphthis deciduis loca, antea iis obsessa, si rubra apparent, linctus ad hunc scopum in § XIII. jam recensitus conducere potest. Sed etiam linctus, quem clarissimus de Rosenstein (a) laudat, ex Gelatina cdoniata vel per se vel simul ex syrupo sempervivi majoris confectus servire potest. Porro Aphthis deciduis leni purganti opus est, ad quod syrups de Cichoreo cum Rheo conducere potest. Sed cautio maxima est adhibenda, Rheumque non simul sed repetitis vicibus ac omnibus tribus horis pauculum ejus, donec effectum ediderit, dandum est. Intestina enim ut jam monui, maxime irritabilia ad Hypercatharsin proclivia sunt. Ad Diarrhoeam minuendam Aphthas sequentem Clbr. de Rosenstein laudat Gummi Arabicum cum aquæ magna copia coctum, addito colaturæ syrupo emulsivo ex amygdalis, vel juscum ex avena excorticata cum aqua & lacte paratum. (b)

H 3

§. XVII.

(a) In s. Anw. zu d. Kinder Krankh. p. 40.

(b) Ibidem p. 42.

§. XXVII.

Non vero solum infantes, sed & adulti cujus-
cunque aetatis Aphthis sine febre corripi possunt,
eas ergo considerandi in animo habemus. Et Clbr.
Boerhave (a) bis viderat absque morbo prægresso
produisse Aphthas densas, sed in solis labiis & in ho-
minibus adultis cum felici eventu, & Magno ejus
Commentatori (b) semel contigit videre in puella
annua, absque ullo morbo præcedente Aphthas den-
sissimas & fuscas rotum os internum occupantes, a
quibus pariter sanata est feliciter, nec febricitabat
tote tempore, quo Aphthæ aderant, vixque aliam
molestiam ullam videbatur pati, quam difficiliorum
deglutitionem, & Clbr. Vogel eas observavit (c)
absque morbo prægresso vel febre prodeentes &
Ketalær tot Aphthas observatus (d) « Memini, in-
» quit, plurimis adfuisse me, qui in summa apurexia
» Aphthis tenerentur, quique præsensisse nullam fe-
» brem, ab omni graviori malo se immunes esse
» asseveraverint. Eadem, quæ in §. V. VI. VII. VIII.
de Aphthis acutis diximus, valent etiam de his. Ad
Causam ergo remotam transire volumus.

Prima

(a) Vide van Swieten Comment. ad Aphor. Borh. Tom.
III. pag. 201.

(b) Ibidem pag. 201.

(c) In s. Prælect. Academ. de Cognosc. & Curand. præc.
Corp. Affect. Cap. de Febr. Aphth. §. 167.

(d) In s. Comment. de Aphth. pag. 21.

Prima earum esse potest illa humorum visci-
do, quæ senibus est propria. Adeoque senes magis
hoc morbo corripiuntur. In his enim longo diutur-
noque multorum annorum circuitu humorum, omni-
que iectu cordis latera canaliculam magna vi ad se invicem
comprimuntur, adeo ut vascula minima, ex quibus
vasa majora contexta sunt comprimantur & latera
illorum interna sibi applicentur, accrescant & coa-
lescent, sic elementa magis magisque sibi adjun-
turi. Hinc oritur rigiditas vasorum, quæ causa est,
quod vasa in dyastole non rite dilatentur, neque di-
latatione prægressa rite contrahantur. Ergo una cau-
sa sanguinem propellens imminuitur, indeque humo-
rum circuitus minor & tardior, hinc actio humorum
minor invasa & vasorum vice versa in humores, hinc
sanguis indeque secreti humores lenti, viscidi.

SECUNDO. Huc referenda est quoque Cacochymia
illa, quæ oritur a vasis & visceribus nimis laxis &
debilibus & imminutione motus animalis, inde actio
humorum in vasa & reactio vasorum in humores
sunt imminutæ, adeoque humorum circuitus est mi-
nor & tardior, hinc humores sunt nimis lentescen-
tes & facile transire possunt in vasa lateralia nimis
laxa, in quibus magis viscidii ex mora fiunt.

Intet

Inter Ingesta culpandus erit cibus nimis viscidus ex nimiis farinosis non fermentatis aut ex partibus gelatinosis animalium ut ex lacte, caseo, quorum enim usu copiose oriuntur cruditates in primis viis viscosæ, quæ in sanguinem resorbtæ circulatione ad os depositæ causa Aphtharum remota esse possunt. Huc etiam pertinent cibi acidi acerbi, quales sunt fructus horrae immaturi, tales enim cibi adstringunt, incrassant, coagulant, hinc & Aphtharam causæ quandoque sunt remotæ.

Et motus muscularum nimius pro causa remota Aphtharum habendus est, quatenus auget motum humorum, partesque sanguinis aquosas dissipat & nimia muscularum quies, qua humorum motus insigniter minuitur, unde illorum actio in vasa & vasorum in humores fit lentior, quo humores viscidi redduntur,

Sed & Animi Affectiones aliquid ad Aphthas producendas contribuere possunt. Hi enim, cum multorum & variorum morborum causa sunt, quoque hujus causa esse possunt, Cib. Vogel enim in Collegio suo practico de Aphthis agens nobis communicavit, aliquando contingere, ut homo alacris sanissimus ad omnes actiones homini proprias idoneus, terrore si percellatur, sentiat palpitationem cordis, lassitudinem membrorum, sibi statim venam secari curet,

curet
hære
Mag
ribus
ni de
vaso
cau

Aph
occu
mines
undiqu
sunt,
telæt.
da fu
in ac
tomam

erit
cadenc
tes, I
tes,
marga
gis ver

(a) In

curet, sequenti die os illius scatet Aphthis sibi adhærentibus, sine febre prægressa vel concomitante. Magnæ Evacuationes, Hæmorrhagiæ, quæ liquidioribus particulis sanguinem privant, vel sanguinis boni defectum in corpore faciunt, hinc oritur debilitas vasorum & viscerum, quæ quomodo Aphtharum causa esse potest, supra jam dictum est.

Sed & quoque Aeris Locique Constitutio ad Aphthas gignendas confert. Omnium frequentissime occurunt eæ, ubi in depressis & humidis locis homines habitare coguntur. Hinc in Zelandia aquis undique congestoque aggere cincta adeo frequentes sunt, ut Endemium Morbum illius loci dixerit Ketelær. (a) Sed in primis autumno, si humida & calida fuerit tempestas. Icausa proxima eadem est ac in acutis, easdemque fere hæ Aphthæ creant symptomata, quæ in §. XI. de acutis dicta sunt.

Cum vero nec febris illas comitatur: eo facilior erit Prognosis. Bonæ sunt, tenues, molles, facile cadentes, adeoque non arcte adhærentes, indolentes, sparsæ, solitariæ, ex ore in faucibus descendentes. Optimæ, quibus color albus, pellucidus instar margaritarum. Quo vero ad cineritum Colorem magis vergunt. Quo magis flavescentes sunt. Quo segnius

I

diffici-

(a) In Comment. de Apht. p. 27.

difficilisque secedunt. Quo pluriores occupant partes, eo pejorem edunt effectum.

Ergoque nec febrem nimis intensam edomari, nec nimis sopitam acuere cum opus sit, solummodo tota nostra cura consistet in eo, quod Aphthas nimis adhaerentes ad lapsum promoveamus.

Hinc eadem medicamenta ad hunc scopum conducere possunt, quae ad eum in Cura de Aphthis acutis memoravimus, iisdemque Remediis, ac in Aphthis acutis symptomata Aphthis deciduis debellare quimus.

§. XVIII.'

Ad secundam ergo pervenimus speciem chronicarum Aphtharum, quae ulcerosarum nomine designanda erit. Haec sunt ulcuscula vera, parva in superficie macula albicante humore, quem fundunt, mucoso & glutinoso obiecta, in ambitu rubra & inflammativa ac dolorifica, quae tam in lingua, buccis & labiis, quam etiam in partibus naturalibus in conspectum veniunt.

Hanc speciem Antiquis majis cognitam perspectamque fuisse, facile patet. Hipocratem fere omnibus in locis, quos in §. I. memoravi, hanc speciem Aphtharum, solumque in Libro Epidemicorum III.

Textu

Textu VI. primam Aphtharum speciem intellexisse
probabile videtur. Et Aretæum, & Aetium (§.I.)
idem per descriptionem Aphtharum dicere voluisse,
facile patebit. Sed & recentiones hanc speciem Aph-
tharum observarunt. Clb. van Swieten (a) eam vi-
gesimo octavo labentis seculi Anno epidemice gras-
fari vidit, quæ, " dicit porro, apud Plebem sæpe
" neglecta erodebat genas, labia, gingivas cum in-
" tolerabili fœtore, præcipue in junioribus, in adul-
" tis enim minus frequenter occurrebat morbus, nec
" tam cito depascebat omnia vicina. Plerumque pri-
" mo apparebat in gena alterutra tuberculum du-
" rum, dolens circa illum locum, ubi parotidis emis-
" sarium aperitur, fiebat levis excoriatio in genæ
" parte interiore, & post Ipaucas horas locus exco-
" riatus alba quasi crusta tegebatur, unde in supura-
" tionem vergere credebat sæpe hunc morbum mi-
" nus noscentes. " Et Clarissimus Vogel ipse iis la-
boravit per quartam anni partem.]

Talia ulcuscula sunt imo superficialia. 2do ra-
ro alias oris partes, quam linguam, labia interna ac
gingivas occupant. 3tio indole sua vera ulcuscula
sunt. Pars, cui insident extus non glabra sed exul-
cerata reperitur. Unum eundemque locum firmi-
ter occupant. Margine rubro gaudent. Ulcusculum

I 2

ardens

(a) In Comment. ad Aphor. Borh. Tom. III. §. 978.

ardens semper albicantem liquorem exstillat labia conglutinantem, mucoso glutinoso muco ulcuscula obiecta linguam ejusque apicem præcipue insciunt, quo loquela impediunt. Mox diu durant, mox cito evanescunt. Hæ Aphthæ ulcerose quandoque etiam genitalia utriusque sexus occupant & tunc rursus varietatem efficiunt. Hic enim in conspectum veniunt instar tuberculorum, quorum media pars depressa semper liquorem aerem emittit. Et hæc ratio videtur, quare quidam Authores de Aphthis venereis mentionem faciunt, sed improprie ulceribus venereis nomen Aphtharum attribuitur. Hipocrates jam Aphthas ulcerosas in pudendis utriusque sexus observavit. Illo vero tempore morbus venereus minime erat cognitus & longum tempus postea prius Medicinæ cultoribus notus factus est. Clb. van Swieten (a) vidit Aphthas ulcerosas in pudendis absque ulla suspicione iuis venereæ. Joh. Babb. Michael. Sagar Circuli Iglaviensis Physicus in Moravia narrat in suo systemate symptomatico morborum, p. 15., se vidisse in suis infantibus uno eodemque tempore Aphthas & in ore & in pudendis, & quidem epidemicas. Immerito etiam tumores illos gangrenosos maxillarum in duobus infantibus observatos sub nomine Aphtharum describit (b) van Lil, cum ne minimæ

(a) in f. Comment. ad Aphor. Boerh. Tom. III. §. 978.

(b) vide Comment. Societatis Scientiarum Harlemensis. Tom. VIII., Part. I.

minime sub speciem Aphtharum redigendi sint. His Aphthis ulcerosis & adultos & infantes corripi & Are-tæus & Hipocrates testantur.

Ex hac descriptione ergo Aphtharum ulcerosarum patet, causam illarum quidem etiam esse obstruktionem ultimorum emissariorum, sed materiam obstruktionem facientem aliis esse indolis. In Aphthis non ulcerosis humores obstruentes sunt lenti, tenaces, hic vero summa gaudent acrimonia, qua vasa obstruta statim arroduntur & ulcera superficiaria generantur. Verosimile mihi ergo videtur has Aphthas ortum suum ducere a Diathesi sanguinis & seri scorbutica ad loca supra memorata delata ubique vasa obstruente, inflammante & erodente. Quam, cum sanguinem partim nimis tenuem, acrem, partim nimis crassum reddet, facile, ad Aphthas ulcerosas producendas aptam esse, patet, cum acrimonia scorbutica triplicis sit naturæ, acris falsæ, vel alcalinæ, vel acidæ, hinc cura interna cum Diæta in Aphthis ulcerosis ad singularem Diathesin scorbuticam est dirigenda. Sed hoc mei non est. Cura ergo tam interna quam externa cum ea Aphtharum non ulcerosarum minime convenit. Et cura externa ut ad acrimoniam acidam, vel salinam vel alcalinam prædominantem debellandam etiam est instituenda. Hæc fuit ratio, quare in Epidemia, quam Clb. van Swieten observavit, emollientia & demulcentia malum pejus redderent & spiritus salis marini optimum

optimum ederet effectum. Dyathesis enim sanguinis alcalinæ naturæ erat; Putrefactio ergo augebatur emollientibus, quæ vero acido salino coeretur. Ob eandem rationem varia a variis authoribus remedia ad debellandas hasce Aphthas nobis traduntur. Clbr. Vogel nobis in suo Collegio practico recommendavit aquam levem Phagedenicam ex aquæ calcis vivi unciis duabus, Spiritus vini rectificatissimi uncia semi, mercurii sublimati corrosivi granis octo, quibus inter se commixtis aliquoties de die Aphthæ fulcrose penicillo humectari debent, dixitque hac aqua applicata ex Aphthis aquam tenuem pellucidamque effluere & Aphthas cito evanescere. Videmus talem aquam in ulceribus superficiariis cutaneis, a sero acri falso originem trahentibus, acrem humorem vicina rubefacientem stillantibus optimum edere effectum, ergo concludere possumus, quod in Aphthis ulcerosis tali falsæ accredini originem debentibus talis levius aqua Phagadenica non sine fructu usurpetur.

Si hæ Aphthæ partes genitales occupant. Conducisse Catheretica in forma linimenti, nobis asseveravit. Sed Aetas consideranda nobis est, pro infantibus servire potest linimentum ex lapide Calaminari preparato, (qui etiam Cadmia fossilis nominatur, gaudetque vi exsiccati & adstringenti) pulvere myrræ electæ. Balsamo Peruviano, vel ejus Essentia, oleo ovorum, hujus quantitas sufficiens, quotidie bis

bis terque partibus affectis infricari potest. Sed simul infantibus purificans sanguinis ordinandum est, ad hunc scopum proficere potest Eleetuarium ex pulvere Radicis iridis florentinæ, Reguli antimonii medicinalis, Matris perlarum præparatarum, oleo destillato anisi, Syrupo de Cichoreo cum Rheo. Cujus unum capiatur cohlear parvum, hora matutina, pommeridiana & vespertina.

Pro adultis linimentum fortius conducere & confici potest ea Unguento populleo, & Mercurio præcipitato rubro ter de die externe usurpandum & partibus affectis infricandum.

Sed & varia adhuc Medicamenta ad has Aphthas laudantur. Hipocrates ad hunc scopum myrti baccis in vino decoctis pudendas colluere commendat & amygdalis tenuiter tritis illinere pudenda. Aetius Adstringentia, cydonia, mespila &c. in earum curatione laudavit. Celsus de cura harum Aphtharum agens talium usum, quæ adurendo Crustas ulceribus inducunt, ut aluminis, chalcitidis, atramenti futorii exaltat. Ex hisce medicamentis diversimode a variis autoribus recommendatis sequitur, unicuique singulare acrimoniae in hisce Aphthis ulcerosis specialia medicamenta specialeaque diætam esse opponenda.

COROLLARIA.

I.

Datur liquidum nerveum.

2.

*Fluxus cæliacus non a chylo solum ob
impedimentum resorbtionis in intestinis rema-
nente & ex alvo profluente oritur.*

3.

Tendines non sentiunt.

4.

*Ossa pelvis in Partu ab invicem non
dimoventur.*

5.

*Dolores calculosi a calculo ipso non
semper profiscuntur.*

6.

*Fætus in utero materno per Venam um-
bilicalem & per os nutritur.*

7.

Refrigeratur in Pulmonibus Sanguis.

8.

*Obstruētio venæ portæ non est solum
causa affectionis hypochondriacæ.*

E R R A T A.

Pag.	5.	lin.	18.	afficientia	lege	afficientia,
— —	10.	—	3.	emittentia	— —	emittentes.
— —	13.	—	7.	uscusculorum	— —	ulcusculorum.
— —	18.	—	10.	possunt	— —	possint.
— —	19.	—	23.	nequentes	— —	nequeuntes.
— —	26.	—	16.	masticatotorum	— —	masticatorum,
— —	27.	—	25.	minimæ	— —	minime.
— —	46.	—	6.	gransantes	— —	grassantes. & lin. ead.
				mentiari	— —	mentiri.
— —	46.	—	18.	conticis	— —	corticis.
— —	56.	—	13.	pragnosis	— —	prognosis.
— —	58.	—	10.	presso	— —	expresſo.
— —	71.	—	10.	ea	— —	ex.



